

四庫全書

集部

欽定四庫全書

五百家注昌黎文集卷二十八

宋 魏仲舉 編

碑誌銘

曹成王碑

洪曰曹成王碑造語法子雲也南山詩平淮西碑氣象宏富法相如也造學解師說之類精深於道理法劃向也凡為文字字有法法左氏司馬遷也班固已下不論嘗見一士人云洪又曰退之性不喜書然嘗云凡為文宜畧識字如曹成王碑用剡縣鏤款撇掇箕跣等字是也

王姓李氏諱臯字子蘭諡曰成其先王明以太宗子國

曹絕復封傳五王至成王

孫曰永隆元年十月明坐與太子賢通謀降封零陵王徙

黔州都督謝祐逼殺之二子俊嗣王南州別駕桀為黎國公垂拱四年並遇害神龍初以桀子允為嗣曹王俊備自南還詔停允封而封備備卒開元十二年復封允允卒子戢嗣位左衛率府中郎將子臯嗣是為成王

成王嗣封在玄宗世蓋於時年十七八

孫曰天寶十一年臯嗣封年二

十紹爵三年而河南北兵作天下震擾王奉母太妃逃

禍民伍得間走蜀從天子天子念之自都水使者拜左

領軍衛大將軍

韓曰臯事母太妃鄭氏以孝聞安祿山反奉母逃民間間走蜀謁玄宗自都水

監使 遷轉貳國子秘書

韓曰自都水監使者三遷至秘書少監

王生十年而

失先王

孫曰開元二十一年父戰卒

哭泣哀悲弔客不忍聞喪除痛

自刮磨豪習委已於學稍長重知人情急世之要恥一

不通侍太妃從天子于蜀既孝既忠持官將身

將字一作持一

作操 內外斬斬由是朝廷滋欲試之於民上元元年除溫

州長史行刺史事

孫曰上元元年京師旱米斛直數千死者甚衆臯度俸不足養亟請外官

不允乃故抵微法

江都新劄於兵

補注謂為兵所劄也○劄空胡切

郡旱饑民交走死無弔王及州不解衣下令倍鎖擴門

舊注指擊也把也彼垢切擴引張也古莫切○擴一作擴
悉棄倉實與民活數十萬

人一作活
奏報升秩少府監
孫曰時州大饑有官粟數十萬斛臯欲行賑救掾吏

叩頭乞候上旨臯曰人日不再食且死安暇稟命若殺

我一身活數千人命利莫大焉於是開倉盡散之以擅

貸之罪飛章自劾天子嘉

之答以優詔就加少府監
與平袁賊
孫曰寶應元年八月台州人袁晁反

攻陷台州刺史史叙脫身走因盡陷浙東諸州縣有衆

數萬越及浙西僭號改元寶勝詔河南道副元帥李光

弼討之四月晁卒祝曰與及也

易系其孰能與於此○與音預
仍徙秘書
仍一作乃
兼州別

駕部告無事
樊曰臯自温州長史改處州別駕行州事

以良政聞按傳作處州別駕而此云兼州

必其
遷真于衡
樊曰自處州召至京未得見即上書言

字誤
衡
治道拜衡州刺史初在處州行州事至

衡

是始除刺史故云遷真
真一作鎮一本無真字

法成令修治出張弛

申指切一作施

聲生勢長

上聲

觀察使

補注時辛京果為湖南觀察使

噓媚

祝曰噓媚也史記

王后亦以妬媚不常侍病
噓烏結切媚音墨冒寐三音

不能正氣誣以過犯御史

劾之

劾胡得切又胡概切一作助之

貶潮州刺史

樊曰臯坐小法為京果謾劾貶潮州

楊

炎起道州相德宗還王于衡以直前謾

孫曰大歷十二年四月貶吏部

侍郎楊炎為道州司馬十四年五月德宗即位八月召炎為相炎還臯于衡

王之遭誣在治

念太妃老將驚而戚出則因服就辯入則擁笏垂魚坦

坦施施

祝曰詩將其來施施注舒行也如字

即貶于潮以遷入賀及是然

後跪謝告實初觀察使殘虐使將國梁戍界良以武岡

叛

祝曰武岡邵州縣

成衆萬人

成一作戊

斂兵荆黔洪桂伐之二年

尤張

韓曰邵州賊王國良本湖南衙將京果使鎮武岡縣以奸西原蠻京果貪暴國良家富京果以死罪

加之國良危懼因人所苦遂散財聚衆據縣以叛與西原蠻合聚衆千人侵掠州縣瀕湖千里皆被其害詔荆黔洪桂諸道合兵討之連歲不能下於是以王帥湖南

補注建中元年四月以臯為湖南觀

察使代京果

將五萬士以討良為事王至則屏兵投良以書

中其忌諱良羞畏乞降狐疑進退

韓曰臯受命遺國良書曰觀將軍非敢大

逆蓋遭讒嫉救誤死而已將軍遇我何不速降我與將軍同為京辛果所構我已蒙聖朝昭雪使我何心持刃

殺將軍耶將軍以為不然我以陣術破將陣以攻法屠將軍城非將軍所及也國良奉書且憂且喜遣使請降亦未必決○王即假為使者從一騎蹕五百里蹕教切抵

良壁鞭其門大呼我曹王來受良降良今安在良不得

已錯迂迎拜

迂一作愕

盡降其軍

韓曰建中二年七月臯單騎稱使者徑入國良壘中

大呼其軍曰有識曹王者乎乃我也何不速降一軍愕貽不敢動國良迎拜叩頭請罪臯執手約為昆弟則盡焚攻守具散其兵有詔赦之賜名惟新太妃薨王棄部隨喪之河南葬及

荆被詔責還

責一作遣

會梁崇義反王遂不敢辭以還

韓曰建中

二年臯丁母艱奉喪至江陵二月山南東道節度使梁崇義反乃授臯起復左衛大將軍復還湖南升秩

散騎常侍明年李希烈反

一無上四字

遷御史大夫授節帥

江西以討希烈

孫曰建中三年十月淮寧軍節度使李希烈反以臯為江西觀察使兼御史大

夫

命至王出止外舍禁無以家事關我哀兵大選洪州

韓曰按舊史伊慎傳云臯始至鍾陵大集將吏鍾陵洪州也今本皆作江州非是別本又作江南

羣能

著職

韓曰按新舊史臯為江西節度使洪州刺史至則集將吏令曰有功未申與懷器謀不發者皆自言

得裨校伊慎李伯潛劉吳悉補大將擢王錡為中軍以馬燧許孟容為賓佐○著直畧切

王親教之

搏力勾卒羸越之法

集注搏力勾卒皆兵法也按商子農戰篇凡治國者患民之散不可

搏也是以聖人作一以搏之又曰搏民力以待外事然後患可以去而王可致則搏力知其為秦法也左傳哀

公十七年越子伐吳吳子禦之笠澤夾水而陣越子為
左右勾卒杜預注云勾卒鉤伍相著別為左右也則勾
卒知其為越法也卑治戰艦衰兵二萬以士二千五百
委伊慎等教之自將五百人教以秦兵團刀法聯其賞
罰弛張如一乃約以五百人擊慎卒二千五百莫能當
其鋒即盡教之○摎徒官切勾音鈎卒音猝羸音盈秦
姓也今曹誅伍卑摎曰卑凡數音如字賤也音脾償也
誤作羸曹誅伍卑音婢使也音婢形下大也音班水名
或云音界然集韻所無今公所云以艦步二萬人祝曰
意逆之不過教之以兵法行誅賞耳艦步二萬人艦
敵船釋名上下重板曰艦艦以與賊遇也
謂舟師步謂步兵○艦音艦音悟喉鋒蔡山
踏之兵細廣濟之蔡山不可攻卑聲言西取蘄州引舟
師沂流而上賊聞以羸師保柵悉軍行江北與卑直西
去蔡山三百餘里卑遣步士悉登舟順流而攻蔡山拔

之○撮楚快
剗音畵
剗剗之黃梅
舊注剗剗也樊曰聿既拔蔡

取蘄州降其將李良又攻黃梅殺賊將韓霜
露黃梅蘄州縣名○剗烏丸切又烏官切
大鞞長平

祝曰鞞熟皮也又說文云鞞也
長平地名○鞞如又切一音柔
鏐廣濟
祝曰說文鏐兩

草廣濟蘄州縣名○掀蘄春
祝曰掀舉出也蘄春亦
名○鏐普活切
掀蘄水

祝曰掀擊也選掀波而濟水蘄水亦
蘄州縣名○掀普減切又匹曳切
撥黃崗
祝曰撥拾

縣名屬黃州
撥丁活切
筴漢陽
祝曰廣韻筴著也鐵箭具漢陽縣

行趾
祝曰趾蹈也選蹈不頓趾
行趾漢川
州漢水岐流也○趾音紫又側氏切漢則駕

作切○漢水一
還大膊蘄水界中
樊曰左傳成二年殺而
膊諸城上注膊磔也音

博又頗
洛切
披安三縣
祝曰廣韻披開也
○披普靡切
誅其州斬偽刺史

韓曰興元元年七月
韓遣伊慎王愕將兵圍安州
州城阻湏水為固攻之累不下
希烈遣甥劉戒虛以步騎八

千援之
臯命李伯潛分師迎擊于應
山俘之
遂下安州
斬其刺史王嘉祥
標光之北山
孫曰

抄也
光州有光山縣
無北山
恐誤
○標匹遙切
諧隋光化
祝曰諧大食也
說文

名並屬隋州
○諧他合切
措其州
祝曰後漢
措羽羣注
案字書從手

一作措
械也
十抽
抽引
一推
祝曰推擊也
當從木
史記

切
救兵州東北厲鄉
韓曰希烈又遣兵援隋州
臯令伊

復平靜
白厲等聞賊遂不敢南畧
○厲鄉或作厲鄉鄉下又有縣字皆非是
還開軍受降
韓

未幾李惠登以隋州降

大小之戰三十有二取五州十九縣

樊曰五州

謂蕲黃安沔隋也舊史云凡下州四縣十七按地理志

蕲四縣安六縣黃三縣隋四縣凡十七縣傳止書其取

蕲黃安隋故云四州十七縣公又書沔州漢陽

沔川二縣故云五州十九縣○縣下一有之字

民老幼

婦女不驚市買不變田之果穀下無一跡加銀青光祿

大夫工部尚書改戶部再換節臨荆及襄

孫曰貞元年四年以臯

為荆南節度使三年閏五月以臯

真食三百王之在兵

為襄州刺史山南東道節度使

天子西巡于梁

孫曰興元元年二月車駕幸梁州

希烈北取汴鄭

孫曰建中

四年十二月希烈陷汴州○汴字一作沔

東畧宋園陳西取汝亳東都

亳一作薄

王坐南方北向落其角距

其呂切

賊死咋

祝曰咋聲大也仄草切

不

能入寸尺土將卒十萬盡輸其南州王始政於溫終政

於襄恒平物估賤斂貴出民用有經

張曰臯性勤儉知人疾苦所至恒平

物估貴則出賣之給將吏廩俸豪舉不得擅其利

一吏民

或作一吏軌民或作一吏取民又或作一

之平

使令家聽戶視姦冗無宿

洪曰臯設監司能參聽下待將吏短長賞罰必

信○一本作無所宿

府中不聞急步疾呼治民用兵各有條次世

傳為法任馬彛伊慎王鐸將

趙本作任馬彛將慎將鐸將一作往馬彛將慎將鐸

將

王皆盡其力能

趙本作王偕盡其力一作王偕能盡其力一云能其力能一作王偕能盡其力一云能

盡其功

薨贈右僕射

補注貞元八年三月卒年六十贈右僕射

元和初以子道

古在朝更贈太子太師道古中進士第

補注貞元五年道古登第

遷

司門郎

孫曰憲宗即位以道古為司門員外郎

刺利隋唐睦徵為少宗正

兼御史中丞以節督黔中

孫曰元和八年十月自宗正卿除御史中丞充黔中觀察

使朝京師改命觀察鄂岳蘄沔安黃

孫曰元和十一年道古自黔中朝京

師以為六州都團練觀察使

提其師以伐蔡且行泣曰先王討蔡實

取沔蘄安黃寄惠未亡今余亦受命有事于蔡而四邑

適在吾封

祝曰四邑謂沔蘄安黃也

庶其有集先王薨於今二十五

年

補注即元和十一年

吾昆弟在

補注皋三子象古復古道古

而墓碑不刻無

丈其實有待子無用辭乃序而請辭

一有日字

太支十三曹於弟季

祝曰太宗十四子其一子高宗也其餘支子十三人曹王為季

或

亡或徵曹始就事明之祖王

孫曰明之祖王謂始王於曹也

畏塞絕遷

孫曰謂黔州安置也

靈王黎公

韓曰明二子俊嗣封零陵王傑封黎國公

不聞僅存子

父易封

孫曰傑子肩封曹王後傑弟備自南還詔傳肩封而封備後備卒復以肩為嗣曹王

三王

守名

孫曰三王謂備肩戰也守名言但有空名耳

延延百載以有成王成王

之作一自其躬文被明章武薦峻功蘇枯弱彊

一云吹蘇枯彊

醜其姦猖

祝曰廣韻云醜齧也謂屢破希烈之衆○醜音懇

以報于宗以昭于

王王亦有子

或云此下疑脫一句

處王之所

孫曰謂道古為鄂岳等州帥也

唯舊

之視蹶蹶陞陞

祝曰蹶蹶行遽也詩良士蹶蹶居衛切○一本陞亦作陞

實取實似

一作有似一作其似

刻詩其碑為示無止

息國夫人墓誌銘

并序

韓曰其曰葬河南河陽以其事乞銘於其鄰韓愈則李樂實河南人耳樂無傳

貞元十五年靈州節度使御史大夫李公諱樂

孫曰貞元九年

十二月靈州節度使杜希全卒十年正月以本軍行軍司馬李樂為留後十一年五月以樂為節度使

守

邊有勞詔曰樂妻何氏可封息國夫人

樊曰貞元十五年正月詔平盧

節度使李師古及樂等妾
媵並封國夫人何封息國

元和二年李公入為戶部尚

書薨夫人遂專家政公之男五人女二人而何氏出者

二男一女夫人教養嫁娶如一雖門內親戚不覺有纖

毫薄厚御僮使治居第生產皆有條序居卑尊間無不

順適命服在躬承祀孔時年若干元和七年甲子

孫曰七年

下當有十一月字蓋是歲
十一月九日甲子冬至也

日南至以疾卒明年八月庚

寅葬河南河陽夫人曾祖某綏州刺史祖某潞州別駕

父某晉州錄事參軍二男戡左威衛曹參軍

一作倉成

左清道率府錄事參軍女子嫁興元參軍鄭博古將葬

戡與成以其事乞銘於其鄰韓愈愈乃為銘曰

男主外事

主一作子

治為不易

一作治

施于其家甚難吏治

一作難

又況公侯

又況一作況

族大而貴夫人是專厥聲惟

懿昔在貞元有錫自天啟封備服以疇時勲婉婉夫人

有籍宮門克承其後以嫁以婚隨葬東土在河之陽遙

望公墳而不同藏

試大理評事王君墓誌銘

劉曰王荆公云退之善為銘如王適張徹銘尤奇也

君諱適姓王氏好讀書懷奇負氣不肯隨人後舉選見

功業有道路可指取而名節可以戾契致

祝曰戾契與契莫字同廣

韻云多節目也○戾練結切契苦結切

困於無資地不能自出乃以干諸

公貴人借助聲勢諸公貴人既志得皆樂熟軟媚耳目

者不喜聞生語一見輒戒門以絕上初即位

補注謂憲宗即位

以四科募天下士

程曰元和元年四月試博通墳典達於教化科才識兼茂明於體用科達

於吏理可使從政科軍謀宏遠堪任將帥科

君笑曰此非吾時耶即提所作

書緣道歌吟趨直言試既至對語驚人

一作衆洪曰撫言云王適侍御

元和初舉賢良方正直言極諫科大直見黜即退之所云對語驚衆也

不中第益困久之

聞金吾李將軍

樊曰李惟簡憲宗時為金吾衛大將軍

年少喜士可撼乃

踏門告曰

祝曰踏小步也詩不敢不踏選屏氣踟躕踏資息切○一作踏門

天下奇男子

王適願見將軍白事一見語合意往來門下廬從史既

節度昭義軍張甚奴視法度士欲聞無顧忌大語有以

君生平告者即遣客鉤致君曰狂子不足以共事立謝

客李將軍由是待益厚奏為其衛冑曹參軍充引駕仗

判官盡用其言將軍遷帥鳳翔

樊曰元和六年五月以惟簡為鳳翔龍州節度

使

君隨往改試大理評事攝監察御史觀察判官櫛垢

爬痒

爬蒲巴切

民獲蘇醒居歲餘如有所不樂一旦載妻子

入閩鄉南山不顧

集注弘農湖縣有閩鄉汝南西平有閩亭前漢以胡閩鄉祁里聚為戾園

注云閩字本從吳其後轉訛誤作門中受耳○閩音聞又亡云切

中書舍人王涯獨孤

郁吏部郎中張惟素比部郎中韓愈

韓曰元和八年三月以公為比部郎

中日發書問訊顧不可強起不即薦明年九月

一有病疾字

與醫京師某月某日卒

樊曰按上文觀之當是元和九年卒

年四十四

一月某日即葬京城西南長安縣界中曾祖爽洪州武

寧令祖微右衛騎曹參軍父嵩蘇州崑山丞妻上谷侯

氏處士高女高固奇士自方阿衡太師世莫能用吾言

再試吏再怒去發狂投江水

樊曰高字玄覽上谷人隱廬山自號華陽居士達

奚撫為楚州刺史起高攝盱眙令國子祭酒李遜為衛

州刺史請高治信安縣元和五年八月遜觀察浙東又

以高宰于剡三縣皆有政後得心疾留其子狗

初處士

兒於浙東從事李翱家自歸廬山至江西卒

將嫁其女懲曰吾以齟齬窮瘁一女怜之必嫁官人不

以與凡子君曰吾求婦氏久矣唯此公可人意且聞其

女賢不可以失即謾謂媒姬

韓曰說文姬母也威遇切

吾明經及第

且選即官人侯翁女幸嫁若能令翁許我請進百金為

姬謝諾許白翁翁曰誠官人耶取文書來君計窮吐實

姬曰無苦翁大人不疑人欺我得一卷書粗若告身者

我袖以往翁見未必取眎幸而聽我行其謀

行一作施

翁望

見文書銜袖

一作軸

果信不疑曰足矣以女與王氏生三

子一男二女男三歲夭死長女嫁亳州永城尉姚健

他頂

切一
作挺

其季始十歲

補注永貞元年其季生

銘曰

鼎也不可以柱車

祝曰柱掌也後漢枝柱邪傾○柱之庾切

馬也不可以守

間

洪曰淮南子柱不可以摘齒筐不可以持屋馬不可以服重牛不可以追速公取此意

佩玉長

裾

長一作曳

不利走趨祗繫其逢不繫巧愚不諧其須有銜

不祛

孫曰言有所懷不得用也

鑽石埋辭以列幽墟

扶風郡夫人墓誌銘

韓曰夫人

馬暢之妻

夫人姓盧氏范陽人亳州城父丞序之孫吉州刺史徹

之女

徹一作徽
一作徽

嫁扶風馬氏為司徒侍中莊武公之冢

婦

韓曰馬遂字洵美貞元三年拜司徒侍中十一年薨贈太傅諡莊武

少府監西平郡王

贈工部尚書之夫人

樊曰遂二子彙暢暢元和五年終少府監贈工部尚書

初司

徒與其配陳國夫人元氏惟宗廟之尊重繼序之不易

賢其子之才求婦之可與齊者內外親戚咸曰盧某舊

門承守不失其初其子女聞教訓有幽閑之德為公子

擇婦宜莫如盧氏媒者曰然卜者曰祥夫人適年若干

入門而媼御皆喜既饋而公姑交賀克受成福母有多

子為婦為母莫不法式天資仁恕左右媵侍嘗蒙假與顏色人人莫不自在杖婢使數未嘗過二三雖有不懌

未嘗見聲氣元和五年尚書薨

孫曰遂歿後以資甲天下暢亦善植財家益豐

晚為豪倖侵牟又累妻訟折產貞元末神策中尉楊志廉諷使納田產至順宗復賜之中官往往逼取暢畏不敢各以至窮困當世以暢厚畜為戒夫人哭泣成疾後二年亦薨年四十

有六九年正月癸酉祔于其夫之封長子教一作教殿中

丞繼祖

補注繼祖後十餘年終殿中少監公亦誌其墓

孝友以類葬有日言曰

吾父友惟韓丈人視諸孤其往乞銘以其狀來愈讀曰

嘗聞乃公言然吾宜銘銘曰

陰幽坤從惟德之恒

胡登切

出為辯強乃匪婦能淑哉夫

人夙有多譽來嬪大家不介父母有事賓祭酒食祇飭

協于尊卑

韓曰一作協于尊章章夫之父母亦曰兄也

畏我侍側

畏我一作我之及

嗣內事

及一作乃

亦莫有施齊其躬心大小順之夫先其歸

一作不失有歸

有室有丘合葬有銘壺彝是收

祝曰壺宮中道詩室家之壺古

切本

唐故殿中侍御史李君墓誌銘

并序

殿中侍御史李君名虛中字常容其十一世祖沖貴顯

拓拔世

集注沖字思順涼武昭王曷曾孫事後魏封清淵侯元和姓纂云沖生休纂六代孫偁文州判

史堂孫虛中是虛中乃沖八代孫

父暉

紆憤委貲二切

河南溫縣尉娶陳留太

守薛江童女生六子君最後生愛於其父母年以長

作喜學無所不通最深於五行書

樊曰今世有李虛中命書

以人之

始生年月日所直日辰支干相生勝衰死相王

柳曰太玄經用

事者王王所生者相注謂春則木旺而火相也○相王並去聲

斟酌推人壽夭貴賤利

不利輒先起其年時百不失一二其說汪洋奧義

一作美

關節開解萬端千緒參錯重出學者就傳其法初若可

取卒然

卒千忽切

失之星官厯翁莫能與之校得失進士及

第

韓曰貞元十一年虛中登第

試書判入等補祕書正字母喪去官

卒喪選補太子校書河南尹奏疏授伊闕尉佐水陸運

事

孫曰貞元十六年九月以張式為河南尹水陸轉運使秦虛中為佐

故宰相鄭公餘慶

繼尹河南以公為運佐如初

孫曰元和元年十一月以故相鄭餘慶代式

宰

相武公元衡之出劔南

孫曰元和二年十月以宰相武元衡為西川節度使

奏奪

為觀察推官授監察御史

樊曰今諸葛武侯碑陰元和中四年二月二十九日題名有

觀察使推官監察御史裏行李虛中
在焉其碑裴度時為元衡書記所作

未幾御史臺疏言

行能高不宜用外府即詔為真御史半歲分部東都堂

祝曰為監察御史
分司東都也

遷殿中侍御史元和八年四月詔徵既

至宰相欲白以為起居舍人經一月疽發背六月乙酉

卒年五十二其年十月戊申葬河南洛陽縣距其祖澠

池令

祝曰澠池縣名史記秦王與
趙王飲于澠池○澠音泚

府君僑墓十里君昆

弟六人先君而歿者四人其一嘗為鄭之滎澤尉信道

士長生不死之說既去官絕不營人事故四門之寡妻

孤孩與榮澤之妻子衣食百須皆由君出自初為伊闕尉佐河南水陸運使換兩使經七年不去所以為供給教養者及由蜀來輩類御史皆樂在朝廷進取君獨念寡稚求分司東出嗚呼其仁哉君亦好道士說於蜀得祕方能以水銀為黃金服之冀果不死將疾謂其友衛中行大受韓愈退之曰吾夢大山裂流出赤黃物如金左人曰是所謂大還者今三年矣

一無年字

君既歿愈追占

其夢曰山者艮艮為背裂而流赤黃疽象也大還者大

歸也其告之矣妻范陽盧氏鄭滑節度使兼御史大夫

羣之女

孫曰羣字戴初范陽人貞元十六年四月為義成節度使

與君合德親戚無

一退言男三人長曰初協律次曰彪其幼曰還適三歲

女子九人銘曰

不羸其躬

羸一作羸

以尚後人

五百家注昌黎文集卷二十八

欽定四庫全書

集部

五百家注昌黎文集卷

二十九
三十

詳校官通政使_臣夢吉

檢討_臣何思鈞覆勘

總校官檢討_臣何思鈞

校對官主事_臣陳墉

謄錄監生_臣左詢

欽定四庫全書

五百家注昌黎文集卷二十九

宋 魏仲舉 編

誌銘

唐故朝散大夫商州刺史除名徙封州董府君墓誌銘

韓曰公詩有送董溪壻陸暢云我實門下士力薄納
與蚊受恩不即報永負湘中墳謂溪流封州死湘中
也至是歸葬
公誌其墓云

公諱溪字惟深丞相贈太師隴西恭惠公第二子

樊曰隴西

公董晉也生四子全道全
溪全素全澥溪即全溪也

十九歲明兩經獲第有司沈

厚精敏未嘗有子弟之過賓接門下推舉人士

舉一作與

側無虛口退而見其人淡若與之無情者太師賢而愛

之父子間自為知己諸子雖賢莫敢望之太師累踐大

官臻宰相致平治終始以禮號稱名臣晨昏之助蓋有

賴云太師之平汴州年考益高

樊曰貞元十二年七月
晉師汴州時年七十二

挈持維綱鋤削荒類

祝曰類絲節淮南子明月之
珠不能無類音未○一作頑納之

太和而已其囊篋細碎無所遺漏繫公之功上介尚書

左僕射陸公長源

孫曰長源字泳之是歲八月自前汝州刺史為宣武行軍司馬

齒差

太師標望絕人聞其所為每稱舉以戒其子楊凝孟叔

度以材德顯名朝廷及來佐幕府

樊曰凝自左司郎中為檢校吏部郎中觀

察判官叔度自殿中侍御史為檢校金部員外郎度支判官○佐或作往非是

詣門請交屏棄

所挾為太師薨

補注貞元十五年二月晉卒

始以祕書郎選叅軍

選一

作遷

京兆府法曹日伏階下與大尹爭是非大尹屢黜已

見歲中奏為司錄叅軍與一府政

與音預

以能拜尚書度

支員外郎遷倉部郎中萬年令兵誅恒州

補注恒州成德軍

改

度支郎中攝御史中丞為糧料使

樊曰元和四年十月以神策軍中尉吐突

承瓘為鎮州行營招討處置使征王承宗以溪及于臯謨為東道行營糧料使

兵罷

樊曰元和五年七月

赦承宗

遷商州刺史糧料吏有忿爭相牽告者事及於公

因徵下御史獄

因一作固又一作顯

公不與吏辯一皆引伏受垢

除名徙封州死湘中

樊曰二年糧料吏有忿爭相告言五月溪臯謨皆坐贓數千緡歟貸

死流臯謨春州溪封州行至潭州並遣中使賜死權德輿傳亦云董溪于臯謨以運糧使盜軍資流嶺南憲宗

悔其輕詔中使半道殺之誌第云死湘中諱之也

年若干明年立皇太子有赦令

孫曰元和七年七月立遂王宥為太子大赦天下

許歸葬其子居中始奉喪歸

元和八年十一月甲寅葬于河南河南縣萬安山下太

師墓左夫人鄭氏祔公凡再娶皆鄭氏女生六子四男

二女長曰全正惠而早死次曰居中好學善為詩張籍

稱之次曰從直次曰居敬尚小長女嫁吳郡陸暢

嚴曰退之

有送暢歸江南詩云迎婦丞相府誇映秀士羣

其季女後夫人之子公之母弟

全素孝慈友弟公坐事棄同官令歸公歿比葬三年哭

泣如始喪者大臣高其行白為太子舍人將葬中舍人

與其季弟澥

戶買切

問銘於太史氏韓愈

韓曰元和八年正月公為比部

郎中史館修撰

愈則為之銘辭曰

物以久弊或以轢毀

補注轢車所踐也力的切

考致要歸孰有彼此

補注言物之終於一致同歸也

由我者吾不我者天斯而以然其誰使

然

貞曜先生墓誌銘

韓曰先生孟郊也湖州武康人以詩名唐人謂孟詩韓筆故公誌及銘皆以詩稱之

唐元和九年歲在甲午八月乙亥貞曜先生孟氏卒無

子其配鄭氏以告愈走泣哭

孫曰當作愈赴位哭謂為位以祭而哭也

且召

張籍會哭明日使以錢如東都供葬事諸嘗與往來者

咸來哭弔韓氏遂以書告興元尹故相餘慶

樊曰元和元年三月

以故相鄭餘慶為

閏月

補注是歲閏八月

樊宗師來弔

補注來弔弔公

也

告葬期

祝日時宗師自太子舍人持母喪在東都

徵銘於愈愈哭曰嗚呼

吾尚忍銘吾友也夫興元尹

一作人

以幣如孟氏賻

孫曰餘慶

給錢數萬葬送賻給其家賻

且來商家事

補注家事謂孟郊家事公

助也所以贈終○賻符遇切

集有與鄭餘慶書云再奉示問皆緣孟家事又云樊宗師在東都經營孟家事不啻如已其言大抵與此誌合

樊子使來速銘曰不則無以掩諸幽乃序而銘之先生

諱郊字東野父庭玠

音彬

娶裴氏女而選為崑山尉

補注選謂

走部選也

生先生及二季鄴而卒先生生六七年

補注天寶十年

郊生

端序則見

一作則有

長而愈騫涵而揉之一

足

內外

完好色夷氣清可畏而親及其為詩劇目鉢心

祝曰劇利傷也

老子廉而不劌鉢長針也說文恭鍼也○劇居衛切鉢時摘切又音迷

物迎鏤解

物一作及鉤

章棘句摘擢胃腎

祝曰摘擢也刮也廣韻引周書師乃摘擢音滔或作摘非是

神施

鬼設間見層出唯其大翫於辭而與世採掇

一作末掇一作末掇

人皆叔叔我獨有餘有以後時開先生者

作開

曰吾既

儕而與之矣

儕一作儕

其猶足存耶年幾五十始以尊夫人

之命來集京師從進士試既得即去

樊曰貞元十二年呂渭知舉郊登第

年五

十四間四年又命來選為溧陽尉

溧音栗又下

迎侍溧

上

孫曰溧陽有投金灘平陵城林薄蒙翳下有積水郊間往坐水旁徘徊賦詩而曹務多廢令白府以假尉

代之分

其半休去尉二年而故相鄭公尹河南奏為水陸運從

事

孫曰元和元年十一月以鄭餘慶為河南尹水陸轉運使李翱分司洛中與郊善薦之餘慶以為判官

試協律郎親拜其母於門內母卒五年而鄭公以節領

興元軍

孫曰元和九年三月以餘慶為興元尹

奏為其軍參謀

樊曰郊有詩謝餘慶

云國老出為將紅旗入青山再招門下生結束余病孱
自笑騎馬醜強從驅馳間傾傾摩天路裊裊鏡下顏文
魄既飛越官情誰等聞羨他白面少多是清朝班惜
命非所報慎行誠獨難悠悠去住心兩說何能刪 試

大理評事挈其妻行之興元次子閎鄉

閎音文注見大理評事王君墓

誌

暴疾卒年六十四買棺以斂以二人輿歸鄴郢皆在

江南

補注鄴郢家湖州武康縣湖屬江南

十月庚申樊子合凡贈賻

補注樊宗

師也

而葬之洛陽東其先人墓左以餘財附其家而供祀

一云

將葬張籍曰先生揭德振華於古有光

一無古有光三字

賢者故事有易名況士哉如曰貞曜先生則姓名字行

有載不從講說而明

從一作侍

皆曰然遂用之初先生所與

俱學同姓簡

補注簡字幾道

於世次為叔父

一有執字

由給事中觀

察浙東

孫曰元和九年九月簡自給事中為浙東觀察使

曰生吾不能舉

舉一作學

死吾知恤其家銘曰

於戲貞曜維出不訾維持不猗

集注訾凡數義集韻云思也毀也思不稱意也

惟前漢書訾讀與貲同顏師古注多財也若曰不貲則貧也猗亦二義詩那云猗歎歎辭也節南山云有實其

猗鄭氏注倚也若曰不猗則無所倚也東野以貧出仕而中立不倚卒至於無所施為止用昌其詩銘意如是

而已○一本作維執不倚維出不訾

維卒不施以昌其詩

其一作有○樊曰蘇子瞻嘗舉

此以問王定國當昌其身耶昌其詩也來詩下語不契
作詩答之有云昌身如飽腹飽盡還復饑昌詩如膏面
為人作容姿不如昌其氣鬱鬱老不衰雖云老不衰却
懷安所之不如昌其志志一氣自隨養之塞天地孟軻
不吾欺公謂東野昌其詩而東坡乃云不如昌其志
蓋蘇嘗讀東野詩有未足當韓豪之句不為所取也

唐故秘書少監贈絳州刺史獨孤府君墓誌銘

韓曰獨孤郁有
傳事多出此誌

君諱郁字古風河南人

補注河南洛陽人

常州刺史贈禮部侍

郎憲公諱及之第二子

樊曰及字至之代宗時官常州刺史二子朗郁

憲公躬

孝踐行篤實而辯於文勸飭指誨以進後生

樊曰及喜鑒拔後進

如梁肅高參崔元翰陳京唐次齊坑皆師事之性孝友
其為文章明善惡長於論議韓曰舊史公傳大厯貞元
間文士多尚古學效楊雄董仲舒之述作而獨孤及梁
肅最稱淵奧愈從其徒游銳意鑽仰欲自振於一代
名聲垂延紹德惟克君生之年憲公歿世

祝曰大厯十二年四月二

十九日卒年五十
三時郁始二歲

與其兄朗

補注朗即用晦

畜於伯父氏

祝曰郁始

生而孤與朗始微有知則好學問咨稟教飭不煩提諭
育於伯父氏

月開日益卓然早成年二十四登進士第

祝曰貞元十二年郁與朗

同來舉進士時郁年二十
時故相太常權公掌出詔文

孫曰

時權德輿為中書舍人知
制誥○詔文一作文誥
望臨一時登君於門歸以其

子

歸一作妻

選授協律郎朋遊益附

一作朋友益附

華問彌大元和

元年對詔策拜右拾遺

孫曰元和元年四月應材識兼茂明於體用科中第三辛酉為

左拾遺

二年兼職史館

孫曰兼史館修撰

四年遷右補闕詔中貴

人承瓘

七罪切

將兵誅王承宗河北君奏疏諫召見問狀

有言動聽

孫曰元和四年十月以神策中尉吐突承瓘為河中等道行營兵馬招討處置等使討王

承宗

郁與度支使李元素鹽鐵使李鄜京兆尹許孟容御史中丞李夷簡給事中呂元膺穆質等極言其權太

重上不得已削承瓘四道

其後上將有所相不可於衆

兵馬使改處置為宣慰

君與起居舍人李約交章指摘事以不行五年遷起居

郎為翰林學士愈被親信有所補助權公既相君以嫌

自列

孫曰元和五年九月德興同平章事郁以嫌自列守本官起居郎

改尚書考功員

外郎復史館職

樊曰郁以德興故辭翰苑憲宗曰德興乃有此佳婿因詔宰相高選世族故杜

琮尚岐陽公主然帝猶謂不如德興之得郁也因拜為考功員外郎充史館修撰判院事

七年以考

功知制誥入謝因賜五品服八年遷駕部郎中職如初

權公去相復入翰林

孫曰元和八年德興罷相十月復以郁為翰林學士

九年以

疾罷尋遷秘書少監

孫曰元和九年以疾辭內職十月改秘書少監

即閒居于

郊

補注謂屏居鄆縣

十年正月病遂殆甲午興歸卒於其家年

四十男子二人長曰某早死

補注長男前一歲未成童卒

次日天官

始十歲

樊曰傳云子庠字賢府喪父始十歲此云天官豈小字耶孫曰天官元和元年生後名悔

有

至性聞呼父官與聞弔客至輒號泣以絕女子一人夫

人天水權氏贈太子太保貞孝公臯之承孫故相今太

常德輿之女

孫曰是歲十月權氏亦卒年三十一

屑慶配良是似是宜

一似

公作四月己酉其兄右拾遺朗以喪東葬河南壽安之甘

泉鄉冢塋憲公墓側

冢一作冢

將以五月壬申窆

補注窆下棺也彼驗

切謂愈曰子知吾弟久敢屬以銘銘曰

於乎古風褻順而裏方

陳曰褻領也衣表也詩繡衣朱褻謂衣領之在外者○褻布谷

切又音博

不耀其章其剛不傷戴美世命

戴一作戴

而年再不羸

惟後之成

唐故尚書虞部員外郎張府君墓誌銘

韓曰張府君卒其年月日誌皆不書以公祭文考之公時為考功郎中知制誥在京師季友歸葬長安公於是祭之且誌其墓元和十年也

尚書虞部員外郎安定張君諱季友

嚴曰季友乃退之同年進士字

孝權年五十四病卒東都明年兄子塗與其弟庾揆等

護柩歸葬長安縣馬額原夫人北海唐氏之封前事塗

進韓氏門伏哭庭下

一有日字

叔父且死幾於不能言矣張

目而言曰吾不可無告韓君別藏而不得韓君記猶不

葬也塗為書致吾意

吾一作君

已而自署其末與封敢告以

請愈既與為禮

補注為禮謂為位以哭

發書云云其末有複語千

萬永訣八字名月日與封皆孝權迹孝權與余同年進

士

樊曰貞元八年中進士第八與公同年

其上世有焉者

焉古老切

當字文時

為車騎大將軍廊城太守卒葬河北諡曰忠公至孝權

間五世矣孝權大父諱孝先太子通事舍人父諱庭光

贈綏州刺史綏州之卒孝權蓋尚小母曰太原縣君縣

君卒既葬孝權守墓樹松柏三年而後歸選為河南文

學去官徐州使拜章

孫曰貞元十六年六月以張建封之子惜為徐州團練使請為

判官授協律郎孝權始不痛絕詔下大悔即詐稱疾不

言三年元和初徐使死

孫曰元和元年十一月權卒

孝權疾即日已試

判入高等授鄆縣尉

鄆胡古切

明年

孫曰元和四年

故相趙宗儒鎮

荆南以孝權為判官拜監察御史經二年拜真御史明

年分司東臺轉殿中

韓曰轉殿中侍御史

按皇甫氏子母病不侍

走京師求試職宰相怒曰吾故皇甫氏御史助所善相

戲法侮我皇甫媪何疾

祝曰媪母老稱也漢書常從王媪負貰酒音褥

銜未決

皇甫母病果死得解遷留司虞部員外郎

補注謂分司東都也

孝

權為人孝謹與人語恐傷之而時嶷嶷有立

嶷魚立切

與孝

權游者極衆而獨以其死累余可尚也已是为銘

注它本云

銘

唐故檢校尚書左僕射右龍武統軍劉公墓誌

銘

韓曰公既為劉統軍作此誌又
為作碑銘碑銘見前二十七卷

公諱昌裔字光後本彭城人曾大父諱承慶朔州刺史
大父巨敖好讀老子莊周書為太原晉陽令再世官北
方樂其土俗遂著籍太原之陽曲曰自我為此邑人可
也何必彭城父訟贈右散騎常侍公少好學問始為兒
童時重遲不戲遲音恒若有所思念計畫及壯自試以
開吐蕃說于邊將不售歐本無于字
別本作于字入三蜀從道士游

久之蜀人苦楊琳寇掠

孫曰楊子琳蜀人初為瀘南賊帥有詔招撫使屯守瀘州時崔

寧為西川兵馬使專殺節度使郭英乂子琳表請討寧

帝遣宰相杜鴻漸出鎮成都宣恩詔慰鴻漸乃表讓

南節度與寧以子琳為瀘州刺史和解之寧入朝留弟

寬守成都子琳聞寧出乘間走入成都寬與子琳戰復

成都子琳還走瀘州招聚亡命沿江東下聲言入朝涪

州守捉使王守仙伏兵黃草峽子琳悉檣之遂殺

別駕張忠而據其城洪曰按代宗紀大曆三年七月瀘

州刺史楊子琳反陷城都楊琳即子琳也詳見崔寧傳

新史昌裔傳云楊惠琳亂昌裔說之按

惠琳居靈夏叛在憲宗初年新史誤也公單船往說琳

感歎雖不即降約其徒不得為虐琳降

孫曰子琳入夔州以城守遣使

請罪帝以子琳本謀近忠乃以公常隨琳不去琳死脫

為成州刺史又移授澧州刺史

身亡沈浮河朔之間建中中曲環招起之

樊曰按新傳曲環方攻濮

州表為判官

為環檄李納

韓曰建中二年七月平盧淄青節度使李正己卒子納自稱留後

指摘切刻納悔恐動心恒魏皆疑惑氣懈

孫曰恒謂成德節度使李

惟岳魏謂魏博節度使田悅

環封奏其本德宗稱焉環之會下濮州

戰白塔救寧陵襄邑

祝曰二縣並屬宋州

繫李希烈陳州城下

樊曰

興元元年閏十月李希烈遣將崔崇暉悉眾圍陳州宋毫節度使劉洽遣隴右幽州節度使曲環將兵三萬救之十一月敗崇暉於州西擒之以獻公常在軍間環領陳許軍公因為陳

許從事以前後功勞累遷檢校兵部郎中御史中丞營

田副使吳少誠乘環喪引兵叩城留後上官說洛公以

城守所以能擒誅叛將

擒一作檢

為抗拒令敵人不得其便

圍解拜陳州刺史

樊曰環卒上官說知後務吳少誠引兵薄城說欲遁去昌裔指曰受詔而

守死其職也況士馬足支賊若堅壁不戰七日賊氣必衰我以全制之可也說許諾賊攻堞堞不得修昌裔密造飛棚聯棚即募突將千人鑿城以出擊賊走之北還柵已立守陴遂安兵馬使安寧國謀應賊昌裔以計斬之及斬其麾下千人賊聞解去以功

推說陳許節度使昌裔陳州刺史

韓全義敗引軍走

陳州求入保公自城上揖謝全義曰公受命詣蔡何為

來陳公無恐賊必不敢至我城下明日領騎步十餘抵

全義營全義驚喜迎拜歎息殊不敢以不見舍望公改授陳許軍司馬上官說死拜金紫光祿大夫檢校工部尚書代說為節度使命界上吏不得犯蔡州人曰俱天子人奚為相傷少誠吏有來犯者捕得縛送曰妄稱彼

人公宜自治之少誠慙其軍

樊曰公誌李邦亦曰尹慙其庭中人漢表益為吳相

告歸道逢丞相申屠嘉下車拜謁丞相從車下謝益還愧其吏公所謂慙其軍慙其庭中人語出此耳亦

禁界上暴者兩界耕桑交跡吏不呵問封彭城郡開國公就拜尚書右僕射元和七年得疾視政不時八年五

月湧水出他界過其地防穿不補沒邑屋流殺居人拜

疏請去職即罪詔還京師

樊曰始昌裔代說為節度也憲宗惡其自立欲召之而重

生變宰相李吉甫曰陛下棄人心愁苦可召也遂以韓

臯代之至長樂驛知帝意因稱風眩卧第歲中卒史與

誌少異誌為之諱耶

即其日與使者俱西大熱旦暮馳不息疾大

發左右手轡止之公不肯曰吾恐不得生謝天子上益

遣使者勞門勅無亟行至則不得朝矣天子以為恭即

其家拜檢校左僕射右龍武軍統軍知軍事十一月某

日甲子薨年六十二上為之一日不視朝贈潞州大都

督命郎中弔其家明年九月某日甲子葬河南某縣某鄉某原公不好音聲不大為居宅於諸帥中獨然夫人邠國夫人武功蘇氏子四人嗣子光祿主簿縱學於樊宗師士大夫多稱之長子元一朴直忠厚便弓馬使一作使為淮南軍衙門將次子景陽景長皆舉進士葬得日相與選使者哭拜階上使來乞銘銘曰

提將之符尸我一方配古侯公維德不爽

祝曰楚詞厲而不爽些注

楚人謂爽敗曰爽○爽平聲

我銘不亡後人之慶

洪曰爽慶皆當叶韻爽讀若霜慶讀

若羌反離騷云慶天悴而喪榮沈存中云古人諧聲如
慶字多與章字叶韻孝孫有慶萬壽無疆黍稷稻粱農
夫之慶是也集
韻並收入平聲

五百家注昌黎文集卷二十九

欽定四庫全書

五百家注昌黎文集卷三十

宋 魏仲舉 編

誌銘碑

唐故監察御史衛府君墓誌銘

君諱之玄字造微中書舍人御史中丞諱晏之子贈太子洗馬諱璿之孫家世習儒學詞章昆弟三人俱傳父祖業從進士舉君獨不與俗為事樂施置自便父中丞

薨既三年與其弟中行

祝曰中行字大受

別曰若既克自敬勤

及先人存趾美進士

樊曰貞元九年中行登第

續聞成宗唯服任遂

功為孝子在不怠我恨已不及假令今得不足自貴

一作

貫音射

我聞南方多水銀丹砂雜他奇藥燒為黃金

集注

又音世

燒煉也煨也○於刀切又音祿

可餌以不死今於若丐我我即去遂

踰嶺阮

祝曰阮塞也於草切○一作泥

南出藥貴不可得以干容帥

孫曰

貞元二十一年五月以房故為容管經畧使

帥且曰若能從事於我可一日

具許之得藥試如方不效曰方良是我治之未至耳留

三年藥終不能為黃金而佐帥政成以功再遷監察御

史師遷于桂

孫曰元和八年四月以啟為桂管觀察使

從之帥坐事免

孫曰是歲

七月啟以罪降為太僕少卿

君攝其治歷三時夷人稱便新帥將奏

功君捨去南海馬大夫

樊曰十二月以馬總為嶺南節度使

使謂君曰幸

尚可成兩濟其利君雖益厭然不能無萬一冀至南海

未幾竟死年五十三子曰景微元和十年十二月某日

歸葬河南伊闕縣伊鄉高都村祔先塋時中行為尚書

兵部郎中號名人而與余善請銘銘曰

欽定四庫全書

卷三十

嗟惟君篤所信

洪曰漢書武帝李夫人賦云既往不來申以信兮班固通幽賦云苟無實其孰

信顧師古並注云信叶韻音新此亦音新

要無有弊精神以棄餘賈於人

韓曰

以其所棄賈於三鎮說文云賈市也音古

脫外累自貴珍訛來世述墓文

唐故河南縣令張君墓誌銘

韓曰公嘗與張俱為御史又俱掾江陵至是張死公誌其墓又以文祭其篇於朋舊如此

君諱署字某

樊曰君行十一

河間人大父利貞有名玄宗世為

御史中丞舉彈無所避由是出為陳留守

嚴曰本鄭所并陳之留邑

泰并天下以宋亦有留故加陳以別之

領河南道採訪處置使

樊曰開元二十二年

十一月初置十道採訪處置使數歲卒官皇考諱郇一作以儒學進官

至侍御史君方質有氣形貌魁碩長於文詞以進士補注

署貞元二年進士第舉博學宏詞為校書郎自京兆武功尉拜監

察御史為幸臣所讒補注幸臣與同輩韓愈李方叔三

人樊曰時三人俱為監察御史方叔貞元五年登第俱為縣令南方孫曰貞元

三人皆以言事得罪署貶柳州陽武令公貶連州陽山令二年逢恩俱徙掾江陵樊曰

貞元二十一年正月順宗即位大赦署與公俱量移江陵署為功曹公為法曹凡公集以詩相酬酢者十三章

同之官江陵及到官作也半歲邕管奏君為判官孫曰貞元二十一年八月路恕為容

管經畧使表署判官

改殿中侍御史不行拜京兆府司錄

韓曰貞元二十

一年十月李鄘為京兆尹表署為府司錄參軍

諸曹白事不敢平面視共食公

堂抑首旦旦就哺歎

旦旦二字或作但俱或作妮妮

揖起趨去無敢間

語縣令丞尉畏如嚴京兆事以幹治京兆改鳳翔尹以

節鎮京西

韓曰元和二年六月以鄘為鳳翔尹鳳翔隴右節度使表署為判官

請與君俱

改禮部員外郎為觀察使判官帥他遷

韓曰元和四年三月以鄘為江

東節度使

君不樂久去京師謝歸用前能拜三原令歲餘遷

尚書刑部員外郎守法爭棘不阿

歐陽公云疑有脫字阿一作撓 改虔

州刺史民俗相朋黨不訴殺牛

一無不訴二字

牛以大耗又多

捕生鳥雀魚鱉可食與不可食相買賣時節脫放期為

福祥事君一皆禁督立絕使通經史與諸生之旁大郡

學鄉飲酒喪婚禮張施講說民吏觀聽從化大喜度支

符州

一作下

折民戶租歲徵綿六千屯比郡承命惶怖立

期日唯恐不及事被罪君獨疏言治迫嶺下民不識蠶

桑月餘免符下民相扶攜守州門

守一作手

叫謹為賀改漴

州刺史民稅出雜產物與錢尚書有經

補注經常也

即無下
句改字

改觀察使牒州徵民錢倍經君曰刺史可為法

不可貪官害民留噤不肯從竟以代罷觀察使使劇吏

一作
吏

案簿書十日不得毫毛罪改河南令而河南尹適

君平生所不好者君年且老當日日拜走仰望階下不

得已就官數月大不適即以病辭免公卿欲其一至京

師君以再不得意於守令恨曰義不可更辱又奚為於

京師間竟閉門死

一作
卒

年六十君娶河東柳氏女二子

昇奴胡師將以某年某月某日葬某所其兄將作少監

者

一作音

請銘於石庶子韓愈

孫曰元和十一年五月以公為太子右庶子

愈

前與君為御史被讒俱為縣令南方者也最為知君銘

曰

誰之不如而不公卿奚養之違以不久生唯其顏顏以
世厥聲

唐故鳳翔隴州節度使李公墓誌銘

韓曰李惟簡父寶臣見藩鎮傳傳所載

多與誌合○今本止云李公墓誌銘

公諱惟簡字基司空平章事贈太傅之子

樊曰太傅李寶臣字為輔

本范陽內太傅初姓張氏蔣曰故范陽張鎖高畜之屬奚族為假子遂冒姓張名忠志肅

宗時舉恒趙深冀易定六州戰卒五萬人馬五千匹以

歸聽命天子嘉之賜姓曰李更其名寶臣立其軍號之

曰成德由是姓李氏

集注寶應元年十一月忠志以偽恒陽節度使挈其所管五州降于

河東節度使辛雲京以忠志為成德軍節度使仍統其所管州賜姓李名寶臣太傅薨孫曰建中二年

正月寶臣公兄弟讓嗣樊曰寶臣三子惟誠惟岳惟簡卒贈太傅惟誠乃惟岳異母兄寶臣愛之

使決軍事以惟岳公竟棄其家自歸京師樊曰惟岳叛惟簡以家僮

正嫡固讓不肯當票士百餘奉及兄死家覆有司設防守樊曰建中三年閏正月成德兵

母鄭歸京

及兄死家覆有司設防守

閏正月成德兵

馬使王武俊殺惟岳傳首京師德宗拘惟簡於容省防伺甚峻德宗如奉天守卒出公

即馳歸與母韓國夫人鄭氏拜訣屬家徒隨走所幸道

與賊遇七鬪乃至

樊曰建中四年十月德宗幸奉天惟簡將赴難謀於鄭鄭曰爾父立功河

朔位宰相身未嘗至京師兄死於人手爾入朝未識天子不能效忠吾不子汝矣督其行曰兒能死王事吾不

朽矣乃斬關出道有功遷太子諭德加御史中丞

樊曰帝見

更七戰得及行在惟簡厚撫之拜太子諭德累遷禁軍將軍

從幸梁州天

從渾瑊率師討賊頻戰屢捷加御史中丞

從幸梁州天

黑失道識焦中人聲得見德宗於盤屋西

祝曰盤屋雍縣名屬鳳翔

○盤音翰

上曰卿有母可隨我耶曰臣以死從衛

樊曰帝幸

屋音室

山南惟簡以三十騎從夜失道馳至盤屋西聞中人語問天子所在審語曰上在此帝見之流涕曰爾有母乃

能從朕耶對曰臣誓以死渾及幸還錄功封武安郡王

或作號元從功臣孫曰四月詔奉天隨從圖其形御閣

韓曰圖形凌而以神威將軍韓曰遷左神居北軍衛居

煙閣賜鐵炭威衛大將軍久乃加御史大夫丁韓國憂去官累遷神威大將軍

加工刑二曹尚書天威統軍又改戶部尚書樊曰元和初檢校戶

部尚書樊曰為左金吾衛大將軍充街使○一有將字有長尚萬國

俊者以軍勢奪興平人地吏憚莫敢治及公為金吾興

平人曰久聞李將軍為人公平庶能直吾屈即齋縣牒
來見公發視立柱國俊廢之以地還與平人聞者莫不
稱歎於是天子以公材果可任用治人將兵無所不宜

元和六年即以公為鳳翔隴州節度使戶部尚書兼鳳

翔尹

樊曰五月以惟簡為鳳翔尹鳳翔隴州節度使

隴州地與吐蕃接舊常朝

夕相伺更入攻抄人吏不得息公以為國家於夷狄當

用長算邊將當承上旨謹條教蓄財穀完吏農力以俟

不宜規小利

規一作觀

起事盜恩

恩一作思

禁不得妄入其地益

市耕牛鑄鉶鉏斲

集注詩序乃錢鑄注田器也鉶大鑲也斲大鋤也○鑄音博鉶山監

切鉶陟初切又仕
切斲陟玉切

以給農之不能自具者丁壯愈勵

愈一

作興歲增田數十萬畝

一無數字

連八歲

補注自元和六
年至十三年

五種

俱熟

祝曰五種謂五穀
也○種之勇切

公私有餘販者負入褒斜

孫曰梁州

記萬石城沂漢上七里有褒谷南口曰褒北口曰斜長
四百七十里褒水通沔斜水通渭選右界褒斜○斜音

耶船循渭而下首尾相繼不絕十三年公與忠武軍節

度使司空光顏

李光顏

邠寧節度使尚書釗

郭釗

俱來朝上

為之燕三殿張百戲公卿侍臣咸與

孫曰二月上御麟
德殿宴羣臣大合

樂三日頒
賜有差

既事敕還公因進曰臣幸宿衛四十餘年今

年老許外任

許一作斥

不勝慕戀願得死輦下天子加慰遣

焉還鎮告疾其夏五月戊子薨年五十五訃至上悼愴

罷朝遣郎中臨弔贈尚書左僕射以其年十一月丙申

葬萬年縣鳳棲原夫人博陵郡崔氏河陽尉鎬之孫大

理評事可觀之女賢有法度公有四子長曰元孫三原

尉次曰元質彭之濛陽尉曰元立興平尉曰元本河南

參軍皆愿敏好善

祝曰元本輕薄無行長慶末與薛渾私侍襄陽公主事敗主幽禁中元本

以功臣子貸死流嶺南

元立元本皆崔氏出葬得日嗣子元立與

其昆弟四人請銘於韓氏曰先人嘗有託於夫子也愈

曰太傅功在史氏

一有記字

僕射以孤童子囚羈京師卒能

以忠為節自顯取爵位立名績使天下拭目觀父母與

榮焉既忠又孝法宜銘

一無法字銘曰

太傅之顯自其躬興僕射童羈孰與之朋遭國之難以
節自發致其勤艱以復考烈孝由忠立爵名隨之銘此
玄石維昧之詒

唐故少府監胡公墓神道碑

集注胡珣謚曰良公陳鴻為作謚文張籍作行狀牛僧孺作墓誌公作神道碑歐陽公集古錄有胡良公碑跋云良公者韓之門人張籍妻父也流俗所傳本非當以碑為正

少府監胡公者諱珣

虛亮切

字潤博年七十九以官卒

補注

元和十三年卒明年七月

石本作八月十四日

葬京兆奉先

一有縣字

夫人天

水趙氏祔焉其子逞巡遇述遷造

石本逞下有通字別本有通字無巡字又

云遇或作巡皆非

與公壻廣文博士吳郡張籍以公之族出處

文行治厯官壽年

石本無處文二字舊本無處字

為書使人自京師南

走八千里至閩南兩越之界

祝曰潮州東與閩接

上請為公銘刻

之墓碑於潮州刺史韓愈曰胡姓本出安定後徙清河

清河於今為宗城

石本無此句清河二字嚴曰今廢依舊清河縣貝州今改恩州

屬貝

州

孫曰宗城縣名武德九年屬貝州

大父諱秀武后時以文才徵為麟

臺正字

孫曰垂拱元年二月改秘書省為麟臺

父宰臣用進士卒官平陽

冀氏令贈潭州大都督公早孤能自勸學

勸一作勤立節概

非其身力不以衣食凡一試進士二即吏部選皆以文

章占上第

補注大歷七年珣登第

樂為儉勤

石本樂作出別本樂作所

自刻削

不干人以矯時弊及為富平尉一府稱其斷決建中四

年侍郎趙贊為度支使

孫曰建中三年五月以中書舍人趙贊為戶部侍郎判度支

薦公為監察御史主餽給渭橋以東軍

樊曰興元元年二月李晟自咸

陽移兵東渭橋

洗手奉職不以一錢假人賊平有司覈考羣吏

多坐貶死獨公以清苦能檢飭無漏失遷河南倉曹魏

公賈耽以節鎮鄭滑

孫曰貞元二年九月以賈耽為鄭滑節度使辟珣佐其府

以公

佐觀察事檢校尚書工部員外郎以剛直齟齬不阿忤

權貴除獻陵令

補注獻陵高祖陵

居陵下七年市置田宅務種

樹為業以自給教授子弟

石本無以字

貞元十一年吏部大

選以公考選人藝學以勞遷奉先令以治辦

一作辦

遷尚

書膳部郎中改坊州刺史州經亂無孔子廟公至則命

築宮造祭器率博士生徒

石本無徒字

講讀以時如法以祠

人吏聚觀歎息遷舒州刺史州歲大熟麥一莖數穗閭

里歌舞之考功以聞遷尚書駕部郎中數以公事

數音朔

犯尚書李巽巽時主鹽鐵事

孫曰元和元年四月以兵部侍郎李巽領度支鹽鐵

使轉運

富矯恃勢以語宰相

石本作丞相

由是退公為鳳翔少

尹巽死

韓曰元和四年五月巽卒

遷少大理

一有字少大理四字

改少詹事元

和十二年朝廷以公年老能自祇力事職不懈可嘉拜

少府監兼知內中尚

樊曰百官志少府監從三品掌百工技藝之政總中尚左尚右尚

明年以病卒

補注元和十三年也○石本無病字

公始以進士孤身旅長

安致官九卿為大家七子皆有學守女嫁名人年幾八

十堅悍不衰事可傳載可為成德

石本作可謂成德

銘曰

竭竭胡公

舊注竭竭武壯貌丘竭切

既果以方

以一作而

挾藝射科每發

如望

音忘

人求於人我已為之自始訖終不降色辭因官

立事隨有可載發跡饋運

石本
作軍

遭讒府介

孫曰謂位鄭
滑觀察事時

權貴除獻

去居陵下為吏為隱坊舒之政于茲有歎

一作

陵令也

新

守官駕部名升已屈

石本升
作昇

躋于少府甚宜秩物不

配其有君子恥之少府古卿公優止之刻文碑石以顯

公行維彼後人

石本彼
作公

無怠嗣慶

唐故相權公墓碑

韓曰權德輿憲宗朝拜同平章事

新舊史有傳所載加詳於誌云

上之元和六年其相曰權公諱德輿字載之

孫曰元和
五年九月

以德與同中書

其本出自殷帝武丁武丁之子降封於

權

劉曰或云楚武王使闕
綰尹權後因以為氏

權江漢間國也

程曰權故城
在南郡當陽

縣

周衰入楚為權氏

嚴曰唐韻云權始出天水本顓頊
之後楚武王使闕綰尹權後因氏

焉

楚滅徙秦而居天水畧陽

黃曰秦滅楚遷大姓
於隴西因居天水

符秦

之王中國其臣有安丘公翼者

樊曰翼字子良畧陽人
與太原王瓚俱為符堅

謀主堅即偽位拜給事中後
為右僕射封安丘公謚曰敬

有大臣之言

韓曰堅伐晉
翼力諫不從

堅遂後六世至平涼公文誕

孫曰翼子宣褒事姚秦為
黃門侍郎宣褒四世之孫

榮隋開府儀同三司
廊城郡公榮子文誕

為唐上庸太守

庸一作虞荊州大都督

欽定四庫全書

卷三十

長史焯有聲烈

焯一作焯

平涼曾孫諱倅

孫曰文誕子崇本匡成令崇本子無

待成都尉無待子倅○倅音垂

贈尚書禮部郎中以藝學與蘇源明相

善

祝曰源明京兆武功人初名預字弱夫肅宗時終秘書少監

卒官羽林軍錄事參

軍於公為王父郎中生贈太子太保諱臯以忠孝致大

名

孫曰臯字士繇天寶末安祿山為河北按察使表臯為從事察祿山有異志詐死奉其母南去及渡江祿

山已反由是

去官累以官徵不起

孫曰代宗徵臯為起居舍人以疾辭李季

名聞天下

卿黜陟江淮奏臯節

追諡貞孝

韓曰大歷二年四月十四日臯卒於潤州年四

行改著作郎復不起

十六元和中

是實生公公在相位三年

孫曰元和五年九月相八年五月罷

其後以吏部尚書授節鎮山南

孫曰元和十一年十月以德興檢校吏部尚書

充山南西道節度使

年六十以薨贈尚書左僕射諡文公

孫曰元和十三年

年八月以病乞還卒於道年六十

公生三歲知變四聲

知一作能

四歲能為

詩七歲而貞孝公卒

樊曰大歷二年貞孝公卒德興時九歲

來弔哭者見

其顏色聲容皆相謂權氏世有其人及長好學孝敬祥

順貞元八年以前江西府監察御史徵拜博士

孫曰貞元初江

西觀察使李兼表德興為判官再遷監察御史府罷德宗雅聞其名八年正月除太常博士

朝士以

得人相慶改左補闕章奏不絕譏排姦倖

樊曰貞元八年八月司農

少卿裴延齡以巧倖除戶部侍郎
判度支德興上疏論其姦不省

與陽城為助轉起居

舍人

補注貞元十年四月遷

遂知制誥

補注歲中兼知制誥

凡撰命詞九年

以類集為五十卷天下稱其能

樊曰德興知制誥轉駕部員外郎司勳郎中職

如舊遷中書舍人時德宗親覽庶政重難除授凡命于
朝多補自御札德興居西掖凡八年其間獨掌者數歲
嘗上言左右掖承天子誥命奉行詳復各攸司不
宜久廢帝曰非不知卿之勞但擇如卿者未得耳
十八

年以中書舍人典貢士拜尚書禮部侍郎

樊曰貞元十七年冬以本

官知禮部貢舉十八年真拜禮部侍郎

薦士於公者其言可信不以其人

布衣不用即不可信雖大官勢人交言一不以綴意

張曰

德興自貞元十八年掌貢士至二十一年凡三典貢舉
十八年放二十三人十九年放二十八人二十一年放二
十九人甄品詳諦所得士相繼為公卿宰相奏廣歲所取進士明經在得人

不以員拘

補注德興知舉取明經初不限員

轉戶兵吏三曹侍郎

孫曰貞元

二十一年六月轉戶部侍郎

太子賓客

孫曰德興為吏部侍郎坐郎吏

誤用官缺改

復為兵部遷太常卿

孫曰元和四年五月遷太常卿

天下

愈推為鉅人長德時天子以宰相宜參用道德人因拜

禮部尚書同中書門下平章事

樊曰元和五年宰相裴均寢疾九月以德興同

平章公既謝辭不許其所設張舉措必本於寬大以幾

教化多所助與

一作爲

維匡調娛不失其正中於和節不

為聲章因善與賢不務主己

務一作矜

以吏部尚書留守東

都

樊曰元和八年正月罷相守本官七月以檢校吏部尚書為東都留守

東方諸帥有利

病不能自請者公常與疏陳以露布復拜太常

補注元和九年

十月除

轉刑部尚書考定新舊令式

一作命

為三十編舉可

長用

李曰先是詔許孟容蔣又等刪定格勅成三十卷表上之留中不出德興請下刑部與侍郎劉伯芻

等考定復為三十卷十年十月奏請行用從之

其在山南河南

孫曰謂為山南東道節度使及

東都留守

勤于選付

一作府

治以和簡人以寧便以疾求還十

三年某月甲子道薨于洋之白草秦至天子痛傷為之不御朝郎官致贈錫官居野處上下弔哭皆曰善人死

矣其年某月日

一又作某日

葬河南北山在貞孝東五里公

由陪屬升列年除歲遷以至公宰人皆喜聞若已與有

無忌嫉者于頓

音迪

坐子殺人失位自囚親戚莫敢過門

省顧者在朝莫敢言者公將留守東都為上言曰于頓之罪既貫不竟宜因賜寬詔上曰然公為吾行諭之頓

以不憂死

孫曰元和七年正月司空同平章事于頓使其子太常丞敏重賂梁正言求出鎮正言詐

漸露敏索其賂不得誘其奴支解之棄園中事覺頓率其子殿中少監孝友等素服詣建福門請罪門者不納頓左遷恩王傳仍絕朝謁敏流雷州孝友等皆貶官八年七月德興將留守東都為上言之

前後考

第進士及庭所策試士踵相躡為宰相達官與公相先

後其餘布處臺閣外府凡百餘人自始學至疾

一有病字未

嘗一日去書不觀公既以能為文辭擅聲於朝多銘卿

大夫功德

孫曰德興於述作特盛六經百氏游泳漸漬其文雅正而弘博王侯將相洎當世名人薨

沒以銘紀為誰者什八

然其為家不視簿書

視一作親未嘗

問其有亡費不待餘公娶清河崔氏女

一無女字

其父造嘗

相代宗

孫曰德宗貞元元年正月以崔造號為名臣既平章事至十二月罷非相代宗也

葬其子監察御史璩

璩曰德宗二子璩字大圭璩字大璩元和二年登第歷監察御史

宰相李宗閔其父門生薦為中書舍人時李訓挾寵以易博士在翰林璩與舍人高元裕等連章劾訓傾覆陰巧不宜出入禁中及宗閔貶璩屢表辯解貶閬州刺史徙鄭州訓誅時人多璩明禍福大體能世其家○璩音渠

渠然服喪

一有來字

有請乃作銘文曰

權在商周世次不存

次一作無

滅楚徙秦嬴劉之間甘泉始

侯以及安丘

安一作商

詆訶浮屠

韓曰符堅嘗游東苑命沙門道安同輩翼諫曰臣聞

天子法駕侍中陪乘清道而行進止有度道安毀形賤士不宜參機神與皇極之扶貞孝之

生鳳鳥不至爵位豈多半塗已稅

已一作而

壽考豈多四十

而逝惟其不有以惠厥後是生相君為朝德首行世祖

之

祖一作師

文世師之

師一作祖

流連六官

孫曰六官謂吏戶禮兵刑工六官也德與

之適為

出入屏毗

祝曰屏毗謂出為藩鎮

無黨無讎舉世莫疵人所

憚為

一作馬

公勇為之人所競馳

人一作其競一作共

公絕不窺

絕一作

作有

孰克知之

克一作先

德將在斯刻詩墓碑以永厥垂

平淮西碑奉敕撰

并序

樊曰宰相裴度為淮西宣慰處置等使公為行軍司馬蔡平隨度還朝詔撰平淮西碑公

以吳元濟之平由度能固天子意得不赦卒
擒之多歸度功而李愬持以入蔡功居第一
愬妻唐安公主女也出入禁中訴碑不實帝
詔斷其文更命翰林學士段文昌為之見舊
史公傳及新史吳元濟傳羅隱乃為石烈士
說言石孝忠者事李愬為前驅韓侍郎撰平
蔡碑孝忠熱視愬因推去其碑僅傾者再
三吏執詣獄又以枷尾拉殺一更事聞天子
怒詔械送闕下孝忠頓首明愬功請就刑上
赦之劉公嘉話云韓碑石本具少誠德政碑
與狄梁公碑對立其韓文忽流汗成泥不十
日中使至磨韓之作而刊改制焉嘉話涉怪
而隱所書與史異其云改命文昌為之則一
也嗚呼史臣以任度為難而帝能之至是功
成反欲歸之愬其與漢高喻指蹤以明蕭何
之功者有間矣予是以知帝之不終也文昌

之文見姚鉉文粹其與公作不待較而明蘇
內翰錄臨江驛小詩云淮西功業冠吾唐吏
部文章日月光千載斷碑人膾炙不知世有
段文昌畫之矣補注按夷堅志云政和中陳
珣守蔡州始視事謁裴晉公廟讀平淮西碑
乃文昌所作者然不平即日磨去別謗能
書者寫韓文刻之集注陳無己曰龍圖孫學
士覺喜論文謂退之淮西碑叙如書銘如詩
○又云少游謂元和聖德詩於韓文為
下與淮西碑如出兩手蓋其少作也

天以唐克肖其德

孫曰肖似也言唐
之子孫其德相似

聖子神孫繼繼承

承於千萬年敬戒不怠全付所覆四海九州罔有内外

悉主悉臣

補注謂悉以為
主而臣之也

高祖太宗既除既治

補注除
謂除亂

也 高宗中睿休養生息至于玄宗受報收功極熾而豐

物衆地大孽牙其間 祝曰孽萌也 肅宗代宗德祖順考以勤

以容大慝適去稂莠已薈 孫曰大慝大惡也謂安祿山史思明之屬稂莠也爾雅稂

一名童梁祝曰薈器也以刺地除草詩以薈茶蓼○薈奴毛切又奴豆切一本已字作不 相臣將臣

文恬武嬉習熟見聞以為當然睿聖文武皇帝 孫曰元和三年

正月受此尊號 既受羣臣朝乃考圖數貢 祝曰謂考輿地之廣狹計貢賦之至與不

至○數色阻切一無乃字 曰嗚呼天既全付予有家今傳次在予 補注

次位序也 予不能事事其何以見于郊廟 補注見于郊廟祭也 羣臣震

懾奔走率職明年平夏

孫曰永貞元年八月夏綏銀節度留後李惠琳叛元和元年三

月兵馬使張承金討斬之

又明年平蜀

孫曰永貞元年八月劔南節度使韋臯卒行軍司馬劉闢

自稱留後元和元年九月東川節度使高崇文擒闢以獻○一有西川二字川一作州

又明年平

江東

孫曰元和二年十月鎮海軍節度使李錡反大將張子良執錡以獻

又明年平澤潞

遂定易定

元和五年十月義成節度使張茂昭以易定二州歸于有司

致魏博貝衛

澶相

孫曰元和七年十月魏博節度使田弘正以所管六州歸于有司祝曰澶澶淵也說文澶淵水在宋

左氏盟于澶淵○澶音蟬

無不從志皇帝曰不可究武

趙本究作窮

予其

少息九年蔡將死蔡人立其子元濟以請不許

樊曰元和九年

閏八月彰義節度使吳少陽卒其子元濟攝蔡州
刺史匿喪以病聞自領軍務表請主兵上不許
遂燒

舞陽犯葉襄等城

一無等字

以動東都放兵四劫

韓曰元濟發兵四出

屠舞陽焚葉縣攻掠魯山襄城汝許州人
皆竄伏榛莽間剽掠千餘里關東大恐

皇帝歷問于

朝

祝曰歷謂徧也

一二臣外

一作外臣

皆曰蔡帥之不廷授于今五

十年傳三姓四將

孫曰廣德元年七月以李忠臣為淮西節度使貞元二年四月以陳奇十

月以吳少誠為之是為三姓大歷十四年三月忠臣為其將李希烈所逐自為節度忠臣希烈少誠少陽是為

四將其樹本堅

祝曰本謂根本

兵利卒頑

利銳也

不與他等因撫而

有順且無事大官臆決唱聲

祝曰臆決謂以已意決之

萬口和附

和去

聲

并為一談

并去聲
一作併

牢不可破皇帝曰惟天惟祖宗

上祖

一無

所以付任予者庶其在此予何敢不力

一無
何字

況一

惟字

二臣同

韓曰宰相李吉甫言淮西非如河北四無黨援
失今不取後難圖矣張弘靖曰請先為少陽輟

朝贈官弔贈待其有
不順之迹然後加兵

不為無助曰光顏汝為陳許帥

曰孫

元和九年十月以陳州刺史李光顏為

維是河東魏博命

忠武節度使忠武管陳許二州

陽三軍之在行者

樊曰元和十年正月命宣武等十六
道進軍討元濟以光顏等分掌行營

二月命神策軍節陽鎮遏將索日進以溫原兵六百人
會李光顏祝曰節陽說文左馮翊節陽縣○節音合

汝皆將之曰重脩汝故有河陽懷今益以汝

孫曰元和
九年閏八

月以河陽節度使烏重胤為汝州刺史
史充河陽懷汝節度使徙隸汝州

維是朔方義成陝

益鳳翔延慶

韓曰義成管鄭滑二州陝益即餽南東西川延屬廊坊丹延節度使慶屬邠寧節度

使

七軍之在行者汝皆將之曰弘汝以卒萬二千屬集

而子公武

一本集字在公武下一無集字

往討之

韓曰元和十年九月以宣武節度使韓弘

為淮西諸軍都統曰無自行以遏北寇弘請使子公武以兵萬三千會蔡下歸財與糧以濟諸軍

曰文

通汝守壽

孫曰元和十年二月以左金吾大將軍李文通為壽州團練使扼固始之險

維是

宣武淮南宣歙浙西四軍之在行于壽者汝皆將之曰

道古汝其觀察鄂岳

孫曰元和十一年以黔州觀察使李道古為鄂岳觀察使曰愬

汝帥唐鄧隨

孫曰元和十一年十二月以太子詹事李愬為唐鄧隨節度使

各以其兵

進戰曰度汝長御史

孫曰謂度為御史中丞故云長

其往視師

孫曰元和十年

五月上遣度詣行營宣慰察用兵形勢

曰度惟汝與予同

補注同謂同謀○一無與字

汝遂相予

孫曰元和十年六月以度為中書侍郎同平章事

以賞罰用命不用

命曰弘汝其以節都統討軍

討一作諸洪曰按韓弘為淮西諸軍行營都統故或

者疑討當作諸然謂討元濟之軍亦何不可若作諸軍則語凡矣○一本節下有度字

曰守謙汝

出入左右汝惟近臣

補注謂守謙為內侍

其往撫師

樊曰諸軍討淮西者近九

萬人久而無功元和十一年十一月上命知樞密梁守謙宣慰因留監其軍

曰度汝其往衣

食予士

一作木服飲食予士
○衣去聲食音嗣

無寒無饑以既厥事遂生

蔡人賜汝節斧通天御帶衛卒三百

孫曰元和十二年八月度赴淮西詔

以神策軍三百人
衛從賜以犀帶

凡茲廷臣汝擇自從

一無從字

惟其賢能

無憚大吏

孫曰元和十二年七月度以宰相出為淮西宣慰處置使度奏刑部侍郎馬總為副使右

庶子韓愈為行軍司馬判官
書記皆朝廷之選上皆從之

庚申予其臨門送汝

補注度行

上御通化
門送之

曰御史予閔士大夫戰甚苦自今以往非郊

廟祠祀其無用樂

一無其字

顏脣武合攻其北大戰十六得

柵城縣二十三降人卒四萬

趙本無人字

道古攻其東南八

戰降卒萬三千

一無卒字

再入申破其外城

孫曰元和十二年道古攻申州

克其外郭

文通戰其東十餘遇降萬二千愬入其西得賊將

輒釋不殺

樊曰元和十二年五月淮西騎將李祐率士卒刈麥於張柴村李愬令廂虞侯史用誠生

擒以歸待以客禮

用其策戰比有功十二年八月丞相度至

韓曰

度赴淮西二十七日

帥都統弘責戰益急顏脣武合戰益用

命

韓曰度至軍宣達上旨士皆賈勇時諸道兵皆有中使監陣進退不由主將度至行營並奏去之以是出

捷皆

元濟盡并其衆洄曲以備

孫曰四月蔡人董昌齡以郾城降李光顏引兵

入據之元濟甚懼時董重質將騎軍守洄曲元濟悉發親近及守城卒詣重質以拒之

十月壬申

愬用所得賊將自文城因天大雪疾馳百二十里用夜

半到蔡破其門取元濟以獻

樊曰李祐言於李愬曰蔡之精兵皆在洄曲及四境

拒守州城者皆羸老之卒可以乘虛直抵其城北賊將聞之元濟已成擒矣愬然之十月愬命隋州刺史史旻等留鎮文城自領李祐等諸軍行六十里夜至張柴留數百人斷洄曲救兵之路復引兵出門時大風雪入馬凍死者相望夜半雪愈甚四鼓至蔡州城下坎垣而登擒元濟以獻盡得其屬人卒

韓曰申先

二州及諸鎮兵二萬餘人相繼來降

辛巳丞相度入蔡

孫曰度建彰義軍節將降卒萬餘人

城入

以皇帝命赦其人淮西平大饗賚功

祝曰書周有大賚賚予也師

還之日因以其食賜蔡人凡蔡卒三萬五千其不樂為

兵願歸為農者十九悉縱之

韓曰詔淮西立功將士委韓弘裴度條疏聞奏淮西

軍人一切不問宜准元軟給復二年

斬元濟於京師

孫曰十一月丙戌朔御興安門受淮西之

俘以元濟徇兩市斬於一獨柳樹

冊功弘加侍中愬為左僕射帥山南

東道

樊曰制加愬檢校尚書左僕射襄州刺史充山南東道節度襄鄧隋唐復郢均房觀察使涼國公

顏脢皆加司空

樊曰李光顏烏重脢並檢校司空光顏封武威郡公重脢郊國公

公武

以散騎常侍帥廊坊丹延

孫曰以宣武軍都虞候韓公武為檢校左散騎常侍鄜州

刺史廊坊丹延節度使○鄜音孚

道古進大夫通加散騎常侍丞相度

朝京師道封晉國公

一無國字

進階金紫光祿大夫

趙本無進字

以舊官相

孫曰度歸京師十二月制加彰義軍節度申光蔡激觀察使充淮西宣慰處置等使朝議

大夫門下侍郎平章事兼蔡州刺史飛騎尉裴度金紫光祿大夫依前門下侍郎弘文館大學士仍賜上柱國

封晉國公食

而以其副總為工部尚書領蔡任

樊曰以蔡州留

邑三千戶

後馬總檢校工部尚書為蔡州刺史彰義節度使

既還奏羣臣請紀聖功被之

金石皇帝以命臣愈

趙本無以字

臣愈再拜稽首而獻文曰

唐承天命遂臣萬方孰居近土

補注近土諸鎮之叛命者

襲盜以狂

往在玄宗崇極而圯

祝曰圯毀也謂盛極而衰也

河北悍驕

孫曰安史既平

燕趙魏相繼而起

河南附起

孫曰謂汴蔡之屬居河南者

四聖不宥

補注肅代順德

四聖也

屢興師征有不能尅益戍以兵夫耕不食婦織不

裳輸之以車為卒賜糧

孫曰夫耕不得食婦織不得裳皆以為卒之賜糧也

外多

失朝

孫曰謂為亂者所隔故不得朝覲也

曠不獄狩

祝曰謂巡狩四岳之禮多曠廢也時岱在

東平桓在成德故不得巡守○一作曠乏兵守

百隸怠官

百一作司事亡其舊

亡一作忘

帝時繼位

補注帝即憲宗

顧瞻咨嗟惟汝文武孰恤予家既斬

吳蜀旋取山東

取一出魏將首義

趙本首作守一本作有

六州降從

淮蔡不順自以為強提兵叫譴

補注叫譴驚呼貌○欲

欲

事故常始命計之

趙一本始作乃

遂連姦鄰陰遣刺客來

賊相臣

孫曰元和十年六月宰相武元衡入朝東平李師道遣刺客暗中突出射之

方戰未

利內驚京師羣公上言

趙本公作臣

莫若惠來帝為不聞

嚴曰

謂不聽其言也初憲宗平蔡以師久無功命裴度往視形勢度還奏言必可取之狀時宰相李逢吉韋貫之及在朝之臣皆莫欲進兵謂莫若因而撫之惟憲宗確然不聽其言故能用度以成伐功史臣謂非度破賊之難

憲宗任度之為難蓋謂此也

與神為謀及相同德

及一作乃

以訖天誅乃

敕顏脢愬武古通咸統於弘

補注謂以韓弘為都統

各奏汝功

趙本

秦作

三方分攻

祝曰三方即上所言顏脢武攻其北道古攻其東南文通戰其東也

五萬

其師大軍北乘厥數倍之常兵時曲

韓曰元和十年五月光顏大破賊黨

欽定四庫全書

五百家注昌黎文集

二十四

於時曲

軍士蠢蠢既翦凌雲

韓曰元和十一年九月光顏奏拔凌雲棚

蔡卒大

窘翦之邵陵

翦一作勝又一作遂

郾城來降

郾音偃見上注

自夏及秋

趙本

及作入

複屯相望

音志複一作復

兵頓不勵

孫曰頓謂頓止勵謂勉勵

告功不

時

祝曰告功奏功也

帝哀征夫命相往釐

孫曰相謂裴度釐理也

士飽而

歌馬騰於槽試之新城賊遇敗逃盡抽其有聚以防我

孫曰謂董重質兵守涸曲

西師躍入道無留者

補注謂李愬入蔡之師

額額蔡

城

祝曰額額大貌也書罔晝夜額注肆惡無休息額與額同

其疆千里既入而有

莫不順俟帝有恩言

補注恩言謂詔令也

相度來宣

祝曰來宣謂宣達王命詩

云來旬來宣元濟既誅上封二劔以授梁守謙使誅元濟舊將度欲使俱入蔡州量罪施行不盡如詔音仍上疏言

誅止其魁釋其下人蔡之卒夫投甲呼舞

樊曰蔡平度以

蔡卒為牙兵或諫曰蔡人反側者尚多不可不備度笑曰元惡既擒蔡人則吾人也又何疑焉蔡人聞之感泣

蔡之婦女迎門笑語蔡人告饑船粟往哺蔡人告寒賜

以繒布

賜一作贈

始時蔡人禁不往來今相從戲里門夜開

樊曰先是吳氏父子阻兵禁人偶語於途夜不燃燭有以酒食相過從者罪死度既視事下令惟禁盜賊鬪殺

餘皆不問蔡人始知有生之樂

始時蔡人進戰退戮今旰而起

補注旰日晚也

○旰古

左餐右粥

補注子厚云退之平淮西碑猶有帽

按切

子僕若為之便說用兵伐叛事又云

欽定四庫全書

五言集注卷之三

二十一

退之左餐右粥不如吾仰父俯子或曰此非子厚語為之擇人以收餘憊選吏賜

牛教而不稅蔡人有言始迷不知今乃大覺羞前之為

蔡人有言天子明聖不順族誅順保性命汝不吾信視

此蔡方孰為不順

為不一作不為

往斧其吭

吭喉也古郎切

凡叛有數

孫曰謂叛者數鎮如王承宗之類也

聲勢相倚吾強不支汝弱奚恃其告

而長而父而兄

補注而皆謂汝也趙本作告汝父兄

奔走偕來

祝曰來至也還也左

氏于思于思棄甲復來○偕來一作來偕

同我太平淮蔡為亂天子伐之既

伐而饑天子活之始議伐蔡卿士莫隨既伐四年小大

並疑不赦不疑由天子明凡此蔡功惟斷乃成

嚴曰集有論准

西事宜狀云以三小州殘弊困劇之餘而當天下之全力其破敗可立而待所未可知者在陛下斷與不斷爾傳曰斷而後行鬼神避之遲疑不斷未有能成其事者也故此終篇以惟斷乃成為言也

既定准

蔡

一作准
蔡既定

四夷畢來遂開明堂

遂一作既

坐以治之

讀韓碑詩

李商隱

元和天子神武姿彼何人哉軒與羲誓將上雪列聖恥坐法宮中朝四夷淮西有賊五十載封狼生驅羆生羆不據山河據平地長戈利矛日可麾帝得聖相

相曰度

孫曰宴子春秋仲尼聖相

賊斫不死神扶持腰懸相印作

都統陰風慘淡天王旗愬武古通作牙爪

李愬韓公武李道古

李文通

儀曹外郎載筆隨行軍司馬智且勇十四萬衆

猶虎貌入蔡縛賊獻太廟功無與比恩不訾帝曰汝


度功第一汝從事愈宜為辭愈拜稽首蹈且舞金石

刻畫臣能為古合世稱大手筆此事不繫於職司當

仁自古有不避言訖屢領天子頤公退齋戒坐小閣

濡染大筆何淋漓點竄堯典舜典字塗改清廟生民

詩文成破體書在紙清晨再拜鋪丹墀表曰臣愈昧
死上詠神聖功書之碑碑高三丈字如手負以靈龜
蟠以螭句奇語重喻者少讒之天子言其私長繩百
尺拽碑倒鹿砂大石相磨治公之斯文若元氣先時
已入人肝脾湯盤孔鼎有述作今無其器存其辭嗚
呼聖皇及聖相相與烜赫流淳熙公之斯文不示後
曷與三五相攀追願書萬本頌萬過口角流沫右手
胝傳之七十有三代以為封禪玉檢明堂基



五百家注昌黎文集卷三十

欽定四庫全書

集部

五百家注昌黎文集卷三十一至五

詳校官通政使_臣夢吉

檢討_臣何思鈞覆勘

總校官檢討_臣何思鈞

校對官中書_臣束枋遠

謄錄監生_臣蔡本任

欽定四庫全書

五百家注昌黎文集卷三十一

宋 魏仲舉 編

碑

南海神廟碑

集注此碑有石刻其首云使持節袁州諸軍事
守袁州刺史陳諫書并篆額其後云元和十
五年十月一日建歐陽公云昌黎集類多訛
斜惟南海碑不舛者以石刻人家多有故也
石刻與刊本異者今注于下補注蘇內翰嘗

移書楊康公使遷廟文登因古廟而新之揚
不從故蘇詩云退之仙人也游戲於斯大笑
談出奇偉鼓舞南海神
○趙本作南海東廟碑

海於天地間為物最鉅自三代聖王莫不祀事考於傳

記而南海神次最貴在北東西三神河伯之上號為祝

融

樊曰按太公伏符陰謀曰武王伐紂都洛邑天大陰
寒雨雪十餘日甲子朝五車騎山王門之外欲謁武

王武王曰諸神各有名乎師尚父曰南海神名祝融北
海名玄冥東海名句芒西海名蓐收河伯名馮修使謁
者各以名召之神皆警而見武王曰何以教之神曰天
伐商立周謹來受命各奉其使武王曰予歲時亦無廢
禮焉洪曰世人或謂退之因祝融為
火正遂以為南海神不知有所據也天寶中天子以為

古爵莫貴於公侯故海岳之祀犧幣之數放而依之所

以致崇極於大神今王亦爵也而禮海岳尚循公侯之

事虛王儀而不用非致崇極之意也由是冊尊南海為

廣利王

孫曰天寶十載正月封東海廣德王南海廣利王西海廣潤王北海廣澤王冊詔也

祝號

祭式與次俱升

孫曰武德貞觀之制四海年別一祭各以五郊迎氣日祭之祀官以當界都督

刺史充至是封王分命卿監十三人取三月十七日一時備禮兼冊祭其祭儀具開元禮

因其故廟

易而新之在今廣州治之東海道八十里扶胥之口黃

木之灣

祝曰扶胥黃木地名

常以立夏氣至命廣州刺史行事祠

下事訖驛聞而刺史常節度五嶺諸軍仍觀察其郡邑

孫曰唐制嶺南為五府而嶺南節度使觀察四府事於南方事無所不統地大以遠

以一而故常選用重人既貴而富且不習海事又當祀時

祀一作祝海常多大風將往皆憂戚既進觀顧怖悸故常以

疾為辭石本作解而委事於其副其來已久故明宮齋廬上

雨旁風無所蓋障牲酒瘠酸一作牲瘠酒酸取具臨時水陸之

品狼籍邊豆薦裸興俯補注裸灌也不中儀式吏

滋不恭神不顧享盲風怪雨祝曰盲疾也發作無節人

月令盲風至

蒙其害元和十二年始詔用前尚書右丞國子祭酒魯

國孔公為廣州刺史兼御史大夫以殿南服

孫曰天寶十二載七

月以孔幾為嶺南節度使殿定也詩殿天子之邦樊曰按幾傳先是准詔禱南海神多令從事代祠幾每受詔自犯風波而往韓愈在潮州作詩以美之傳所謂詩豈公此作耶○殿丁練切公正直方嚴中

心樂易祇慎所職治人以明事神以誠內外單盡

祝曰單亦

盡也詩

不為表褻

孫曰表褻衣領也○褻滿報切又音博

至州之明年將

夏

補注謂將立夏

祝冊自京師至

孫曰冊謂祝板書王命作冊逸祝冊祝冊者祝讀此冊

吏以時告公乃齋被視冊

祝曰齋被謂齋潔○被甫勿切

誓羣有司曰

冊有皇帝名乃上所自署

一作乃上著署

具其文曰

具一作且

嗣天

子某謹遣某官某敬祭

樊曰唐制岳瀆以上祝版御署附中使送往祝

其恭且

嚴如是敢有不承明日吾將宿廟下以供晨事

補注事祀事也

質明行禮故曰晨事

明日吏以風雨白不聽於是州府文武吏士

凡百數交謁更諫

更作平聲

皆揖而退

孫曰謂揖而退之不從其言

公遂

陞舟風雨少弛權夫奏功

補注權夫舟人奏功効力也

雲陰解駁日

光穿漏波伏不興省牲之夕

孫曰謂祭之前一日省牲視滌濯也

載陽載

陰將事之夜天地開除月星明概

祝曰概棚也喻蓋期戕云其節以竹

而概孫曰概略也謂略見也○概音既

五鼓既作牽牛正中

祝曰牽牛星名一名河鼓

月令季春之月旦牽牛中

公乃盛服執笏以入即事文武賓屬俯首

聽位各執其職牲肥酒香樽爵淨潔降登有數神具醉

飽

祝曰詩神具醉止○具或作其者非

海之百靈祕怪恍惚畢出蛻蛻

蛻

祝曰龍貌也選狀蛻蛻以蜃蜃史記縣赤螭青蚪之

而

碑云蛻蛻蛇蛇小異當以

來享飲食

作慕

闔廟旋廬

祝曰舳舻也前漢舳舻千里孫曰謂

祥飈送馬

韓曰謂暴風吹

船進也○舳舻舟後持船處○

旗纛旄麾

道

飛揚掩藹

祝曰掩日無光

次定四庫全書

五百家注昌黎文集

四

藹木繁茂也選芳風

曉

鐃鼓嘲轟

孫曰鐃似鈴而無舌有柄周禮以金鐃止

藹○曉音掩藹於蓋切

高管噉譟

舊注噉吼也譟聲呼煩擾也噉吉弔切譟桑到切

武夫奮

棹工師唱和穹龜長魚踊躍後先乾端坤倪

孫曰謂天地開霽皆

倪見端

軒豁呈露祀之之歲風災熄滅人厭魚蟹五穀胥

熟明年祀歸又廣廟宮而大之治其庭壇改作東西兩

序齋庖之房百用具修明年其時公又固往不懈益虔

歲仍大和羣艾歌詠始公之至盡除他名之稅

孫曰初時蕃舶

之至泊岸有下碇之稅始至有閱貨之宴犀珠錯落賄及僕隸殘皆罷之

罷衣食於官之可

去者四方之使不以資交以身為帥燕享有時賞與以

節

以一作有

公藏私蓄上下與足於是免屬州負逋之緡錢

十有八萬

韓曰境內負錢至二百萬錢悉放不收○石本作二十有四萬

米八萬二千

斛

石本八字作三

賦金之州耗金一歲八百困不能償皆以正

之

石本作丐字

加四面守長之俸

石本四面作西南

誅其尤無良不

聽令者由是皆自重慎法人士之落南不能歸者與流

徙之胄百二十八族用其才良而廩其無告者其女子

可嫁者與之錢財令無失時

一作所

刑德並流方地數千

里不識盜賊山行海宿不擇處所事神治人

一有
其字

可謂

備至矣

石本作
至耳矣

咸願刻廟石以著厥美而繫以詩乃作

詩曰

南海之墟

一作
陰

祝融之宅即祀于旁帝命南伯

孫曰謂
南方邦

伯也吏情不躬正自今公明用享錫祐我家邦

石本祐
作右

惟

明天子惟慎厥使我公在官神人致喜海嶺之陬既足

既濡胡不均弘俾執事樞公行勿遲公無遽歸匪我私

公神人具依

處州孔子廟碑

韓曰碑記不載年月日第云朝散大夫國子祭酒賜紫金魚袋韓愈撰公為祭酒在元和十五年

自天子至郡邑守長通得祀補注通皆也而遍天下者唯社

稷與孔子焉然而社祭土稷祭穀勾龍與棄乃其佐享

非其專主

祝曰禮記厲山氏子曰柱能植百穀夏之衰也周棄繼之故祀以為稷共工氏子曰后土能

平九州故又其位所不屋而壇

孫曰禮記天子大社必受霜露風雨以達天地

之氣喪國之社屋之是不屋而壇也

豈如孔子用王者事

一作禮

巍然當座

以門人為配

洪曰杜牧云稱夫子之尊莫如韓吏部蓋公作此碑云社稷不屋而壇孔子用王者

事巍然當坐以門人為配也張文潛曰廟貌之設起於後世如祭天地亦不屋而壇耳孫曰開元二十七年八月追謚孔子文宣王南

面而坐以顏子配享

自天子而下北面拜跪薦祭進

退誠敬禮如親弟子者句龍棄以功孔子以德固自有

次第哉自古多有以功德得其位者

德一作績

不得常祀句

龍棄孔子皆不得位而得常祀然其祀事皆無如孔子

之盛所謂生民以來

民一作人

未有如夫子者其賢過於堯

舜遠者此其效與

補注邵太史曰歐陽公平生尊用韓退之於其學無少異然退之處州孔

子廟碑云云永叔作穀城縣夫子廟記乃云后之人徒見官為立祠而州縣莫不祭之夫子之尊由此為盛甚者乃謂生雖不得位而沒有所享以為夫子榮謂有德之報雖堯舜莫若何其謬論者歟是歐陽以退之為謬矣雖然韓與歐其尊夫子之心則一也嚴曰孟子之文杜牧之云自古稱夫子者多矣稱夫子之德莫如孟子

稱夫子之尊莫如韓吏部

郡邑皆有孔子廟或不能修事雖設博士

弟子或役於有司名存實亡失其所業獨處州刺史鄴

侯李繁至官

補注繁鄴侯泌之子○鄴音葉

能以為先既新作孔子廟

又命工

命一作令

改為顏回至子夏十人像

補注改謂新之

其餘六

十二子

孫曰孔子弟子受業身通者七十七人今為顏子等十人像則其餘當有六十七人今云六十

二子未詳及後大儒公羊高左丘明孟軻荀況伏生毛公韓

生董生高堂生揚雄鄭玄等數十人

孫曰貞觀二十一年詔左丘明公羊

高毛萇鄭玄伏勝高堂生等二十二人春秋行釋奠之禮而無孟軻荀況韓生董生揚雄等伏生即伏勝毛公

即毛萇韓生名嬰董生名仲舒高堂生能言禮見漢儒林傳

皆圖之壁選博士弟子

必皆其人設講堂

一作又為置講堂

教之行禮肄習其中又為

置本錢廩米令可繼處以守廟成躬率吏及博士弟子

入學行釋奠禮

奠一作菜歐陽公曰釋奠釋菜祭之略者也古者士之見師以菜為摯故始入

學者必釋菜以禮其先師其學官四時之祭乃皆釋菜釋奠有樂無尸而釋菜無樂則又其略也故其禮亡焉

而今釋奠幸存然亦無樂又不
編舉於四時獨春秋行事而已者老嘆嗟其子弟皆興

於學鄴侯尚文其於古記無不貫達故其為政知所先

後可歌也已乃作詩曰

惟此廟學鄴侯所作厥初庫下

庫音卑
又音婢

神不以字先師

所處

石本先
作生

亦窘寒暑乃新斯宮神降其獻講讀有常

不誠用勸揭揭元哲

舊注曰揭高舉也○揭
居謁切又音桀又音羯

有師之尊

羣聖嚴嚴大法以存像圖孔肖

補注孔肖
甚似也

咸在斯堂以

瞻以儀俾不或忘後之君子無廢成美琢詞碑石以贊

攸始

孔子廟碑陰

杜牧撰

天不生夫子於春秋後世當何如曰不春秋如也荀卿祖夫子李斯事荀一日宰天下盡誘夫子之徒與書坑而焚之曰徒能亂人不若刑名獄吏治世之賢也彼商鞅者能耕能戰能行其法基秦為強曰彼仁義虱官也可以置之

補注置之言不用也

自董仲舒劉向皆言

司馬遷良史也而遷以儒分之為九曰博而寡要勞

而無功不如道家者流也自有天地以來人無有不死者海上迂怪之士特出言曰黃帝鍊丹砂為黃金以餌之晝日乘龍上天誠得其藥可如黃帝以燕昭王之賢破強齊幾於霸秦始皇漢武帝之雄材滅六國闢四夷蓋非凡主也皆甘其說耗天下捐骨肉而不辭至死而不悟莫尊於天地莫嚴於宗廟社稷梁武帝起為梁國者以筍脯麵牲為薦祀之禮曰佛之教牲不可殺以天子之尊捨身為其奴散髮布地親

命其徒踐之有天地日月為之主陰陽鬼神為之佐夫子巍然統而辨之復引堯舜禹湯文武周公為之助則其徒不為劣其治不為僻彼四君二臣不為無知一旦不信背而之他乃族滅之儻不生夫子紛紜冥昧百家鬪起是已所是非已所非天子隨其時而宗之誰敢非之縱有非之者欲何所依据而為其辭是楊墨駢慎已降百家之徒廟貌而血食十年一變法百年一改教橫斜高下不知止泊彼後世者弑父弑

君奚啻倍于春秋若不生夫子知其必不春秋若也
韓吏部夫子廟碑曰天下通祀唯社稷與夫社稷
壇而不屋取異代為配未若夫子巍然當座用王者
禮以門人為配自天子至於庶人親北面而師之夫
子以德社稷以功功德固有次第因引孟子自生民
以來未有如夫子者也自古稱夫子者多矣稱夫子
之德莫如孟子稱夫子之尊莫如韓吏部故書其碑
陰云

柳州羅池廟碑

韓曰羅池神子厚也其碑石本首云尚書吏部侍郎賜紫金魚袋韓愈撰中書舍人史館修撰賜紫金魚袋沈傳師書其後云朝議郎桂管觀察使試太常寺協律郎上柱國陳曾篆額長慶元年正月十一日桂管都防禦先鋒兵馬使朝散大夫試左衛長史孫季雄建立補注歐陽集古錄云羅池碑後題云長慶元年正月建按穆宗實錄長慶二年二月傳師為中書舍人史館修撰九月愈遷吏部時愈未為吏部沈亦未為舍人當是長慶二年則二君官正與此碑同其書元年正月蓋傳模者誤樊曰按舊史公傳云南人妄以柳宗元為羅池神而愈撰碑以實之蓋以是罪公而新史書其事於子厚傳無所褒貶元祐七年六月詔賜唐柳州刺史羅池神廟

為靈文之廟以郡人言其雨暘應祈故也田表
聖書其碑陰云柳子厚終於柳州以精多魄強
為羅池之神昌黎韓退之叙其事而銘之碑矣
大意謂子厚宏深之量昭明之識當為星辰為
嶽瀆胡為在柳州之陋為神其所以推尊甚大
蘇內翰記潮州廟云在天為星辰在地為河岳
幽則為鬼神明則復為人其斯之謂歟石敏若
曰世以公此文為語怪非也士有抱負不克施
遭流落以死為明神烈鬼巍我廟食理也李衛
公竄海上死矣其精魄凜然尚能使犬鼠餘黨
破膽於夢中不然退之豈矯誣柳州以求異乎
晁氏曰此非銘羅池神之文弔宗元之文也邵
氏曰楚辭文章屈原一人耳宋玉尚不得其髣
髴惟退之羅池碑可方駕以出朱廷玉評云予
讀韓文柳州廟碑釋然有得於用意至微之處
春秋之稱微而顯志而晦婉而成章公於此文

獨言柳人祭神而不及子厚之出處言柳民詠歌仁政敬如父母尊為鬼神雍容紆徐而刺譏詆訶之文不形于一辭而言外之意推之而不可窮非深得於春秋曷至是或以招海賈為過之亦率爾哉說詳列於正文下

羅池廟者故刺史柳侯廟也柳侯為州

韓曰元和十年三月以永

州司馬柳宗元為柳州刺史

不鄙夷其民

祝曰謂不鄙之以為夷柳州古百粵之地故云

動

以禮法三年民各自矜奮曰

石本無曰字

茲土雖遠京師吾

等亦天氓今天幸惠仁侯若不化服我則非人於是老少相教語莫違侯令凡有所為於其鄉閭及於其家皆

曰吾侯聞之得無不可於意否莫不忖度而後從事凡

令之期民勸趨之無有後先必以其時於是民業有經

也經常

公無負租流逋四歸樂生興事宅有新屋步有新

船

集注步刊本改作涉非任昉述異記云水際謂之步

吳人賣瓜於江畔因名瓜步吳江中有魚步龜步湘

中有靈妃步吳楚間謂浦為步語訛耳吳處厚青湘雜

記云韓退之羅池廟碑言步有新船蓋嶺南謂水津為

步故冒步即漁者施冒處船步即衆人度舡處揚州瓜

步洪州觀步閩中謂水涯為溪步子厚永州鐵爐步志

云江之游凡舟可

池園潔修猪牛雞鴨

石本牛作羊

肥大蕃

息子嚴父詔婦順夫指嫁娶塋送各有條法出相弟長

入相慈孝先時民貧以男女相質久不得贖盡沒為隸

我侯之至案國之故

石本作之經故

以傭除本悉奪歸之

孫曰柳州

之俗以男女質錢約不時贖子本相侔則沒為奴婢宗元為設方計悉令贖歸其尤貧力不能者令書其傭足

相當則使歸其質觀察使下其法於它州比一歲免而歸者且千人傭賃直也

大修孔子廟

孫曰

宗元至之歲文宣王廟壞宗元取初終亞三官衣布完而新之自文其碑城郭道巷

石本作巷道

皆治使端正樹以名木柳民既皆悅喜常與其部將

石本

嘗

魏忠謝寧歐陽翼飲酒驛亭謂曰吾棄於時而寄

於此與若等好也明年吾將死而為神後三年為廟

祀我及期而死

補注元和十四年十月宗元卒

三年孟秋辛卯

補注長慶三年

七月辛卯

侯降于州之後堂歐陽翼等見而拜之其夕夢翼

而告曰館我於羅池其月丙辰廟成大祭過客李儀醉

酒慢侮堂上得疾扶出廟門即死明年春魏忠歐陽翼

使謝寧來京師請書其事于石余謂柳侯生能澤其民

死能驚動禍福之以食其土可謂靈也已作迎享送神

詩以遺柳民俾歌以祀焉而并刻之

孫曰宗元既沒柳人懷之託言降于

州之堂有慢者輒死廟

于羅池公因碑以實之

柳侯河東人諱宗元字子厚賢

而有文章嘗位於朝光顯矣已而擯不用其辭曰

荔子丹兮蕉黃

孫曰蕉芭蕉也味如蒲萄子長數寸○一作蕉葉黃一作蕉子黃

雜肴

蔬分進侯堂

朱廷玉曰此一對言旨味不同名物異品羅列而進以觀一時之嗜好亦如爵祿名

位險易多塗可以驗人決擇去取也

侯之舫兮兩旗度中流兮風泊之待

侯不來兮不知我悲

朱廷玉曰湖湘土人云柳人迎神其俗以一舫兩旗置木馬偶人於

舟作樂而導之登岸而趨於廟然後知公之託意創辭其旨深矣公意若曰兩旗飄飄初無一定而舫在中流為回風所泊進止蕩漾靡所底戾我止于岸待之不來雖欲共載而俱不可得已此我心之悲而侯莫之知也

侯乘駒兮入廟慰我民兮不嘖以笑

朱廷玉曰乘駒木為脚車也公意曰

馬少為駒異於壯老言侯少年仕而蚤達入廟者進而
在朝為天子廷臣也此與秦穆公始用孟明同意君子
見用於世必老而更事以天下為憂而子厚未更事變
樂仕進之榮而不知禹稷之心以生人飢溺為憂是以
不知感額而不頻以笑也

頻亦作顰笑一作咲

鵝之山兮柳之水

孫曰鵝字疑當作我

按子厚柳州山水記云我山在野中無麓我水出焉東流入于潯水

桂樹團團兮白石齒

齒侯朝出遊兮暮來歸春與猿吟兮秋鶴與飛

朱廷玉曰桂樹

團團木茂也白石齒齒石險也木茂翳空則絕昭回之光石險齧足則蹈危途之畏春猿秋鶴則非同類之匹言侯朝出游于朝廷之上暮流落于幽險之鄉交非其類莫之與歸此與山鬼子處幽篁兮終不見天路險艱兮獨後來同意樊曰歐陽文忠云春與猿吟兮秋鶴與飛疑碑之誤於是沈氏存中筆談云古人多用此格如

欽定四庫全書

卷三十一

楚詞吉日兮辰良又蕙肴蒸兮蘭藉
奠桂酒兮椒漿相錯成文則語健矣
北方之人兮為侯

是非千秋萬歲兮侯無我違

朱廷玉曰北方中國也楚越居南方則中國為北當

叔文執誼用事侯坐黨與南遷中朝黜涉南人無與焉而侯之在柳以惠愛見稱故欲其廟食此土世世奉祠者柳人之志也公意曰北方之是非則公議去取不可奪也嗟侯之生不得與我偕行其道卒厄窮裔千秋萬歲此道彌著質之鬼神猶不能違侯惡得而違之此禮所謂百世以俟聖人而不惑而孟子亦曰聖人復起不易吾言
福我兮壽我

福上一有願字

驅厲鬼兮山之左

樊曰子厚龍城

錄羅池比役者得白石上有刻畫云龍城柳神所守驅厲鬼山左首福土祗制九醜補注厲鬼惡鬼也

下無苦濕兮

高無乾秔稌充羨兮

祝曰說文秔稻屬也前漢又有秔稻梨栗桑麻竹箭之饒孫曰稌亦

稻也沛國呼稻曰稌義多貌
○稌音庚稌徒古切又音土
蛇蛟結蟠孫曰言稌稌之穗如蛇蛟也

我民報事兮無怠其始自今兮舊本作如自今始兮一本作始自今兮欽

于世世朱廷玉曰此志柳侯見德邦人死而獲廟祀之報以足一篇之詞也

黃陵廟碑

曾子開曰湘水出全瀟水出道二水至永合而為一以入洞庭黃陵廟在瀟湘之尾洞庭之口
孫曰廟在潭州之湘陰縣北八十里或云在岳州韓曰碑有石本首題云通議大夫守尚書兵部侍郎上柱國賜紫金魚袋韓愈撰正議大夫守潭州刺史兼御史中丞湖南都團練觀察安撫使上柱國賜紫金魚袋沈傳師書今本多誤
據歐陽公集古錄云當以碑為正今刊于正文

下

湘旁有廟曰黃陵

祝曰湘旁謂湘水之旁補注筆墨間錄云黃陵廟碑首言湘旁即龜策傳言

江旁老人也

自前古立以祠堯之二女舜二妃者庭有古碑

一無古字石本作石

斷裂分散在地其文剝缺考圖記言漢荊州

牧劉表景升之立

韓曰表字景升東漢末為荊州刺史之字一本作所

題曰

一無

題字湘夫人碑今驗其文乃晉太康九年又其額曰

其下

題字虞帝二妃之碑

帝一作舜

非景升立者秦博士對始皇帝

云湘君者堯之二女舜妃者也

孫曰事見史記秦始皇二十七年

劉向

鄭玄

石本玄作康成

亦皆以二妃為湘君

孫曰劉向列女傳云二妃死於江湘之間

俗謂之湘君

而離騷九歌既有湘君又有湘夫人王逸之解

以湘君者自其水神

其一作為

而謂湘夫人乃二妃也從舜

南征三苗不返

石本作及

道死沅湘之間

祝曰說文沅湘水出牂牁楚辭濟沅

湘以南征樊曰屈原九歌有湘君湘夫人二篇湘君篇

云君不行兮夷猶蹇誰留兮中洲王逸注云湘君所在

左沅湘右大江包洞庭之波方數百里則逸以湘君為

湘水之神矣湘夫人篇云帝子降兮北渚目眇眇兮愁

予逸注云堯二女娥皇女英隨舜不返

沒於湘水之渚因為湘夫人。沅音元山海經曰洞庭

之山

巖曰即巴陵湖中居山也

帝之二女居之郭璞疑二女者

石本作璞作

模帝舜之后不當降小君為其夫人

補注歐陽集古錄云黃陵碑以家本

校之不同者二十餘事如家本言降小君為夫人而碑云降小君之類皆當以碑為正也

因以二女

為天帝之女

樊曰郭璞注云帝之二女處江為神即列仙傳江妃二女也禮五岳比三公四瀆比

諸侯今湘川不及四瀆無秩於命祀而二女帝舜之后配神祇無緣當復下降小水而為夫人也小水即謂湘

川以予考之璞與王逸俱失也堯之長女娥皇為舜正

妃故曰君其二女女英自宜降曰夫人也

孫曰列女傳云有虞氏二

妃者堯之二女長曰娥皇次曰女英

故九歌詞謂娥皇為君謂女英為帝

子

石本無為字

各以其盛者推言之也禮有小君

石本有君母字明

其正自得稱君也

祝曰春秋莖我小君諸侯之夫人皆稱小君

書曰舜陟方

乃死傳謂舜升道南方以死

樊曰孔安國注云方道也舜即位五十年升道南方

巡狩死于蒼梧之野○石本升作昇一本傳作孔安國

或又曰舜死莖蒼梧

嚴曰蒼梧

即零陵之九疑山也

二妃從之不及溺死沅湘之間

一無死字

余謂竹

書紀年

孫曰紀年書名晉太康元年汲郡人發冢得之起夏殷至魏哀王二十年以竹簡寫之故謂之

竹書帝王之沒皆曰陟陟昇也謂昇天也書曰殷禮陟配

天

補注尚書君奭之文

言以道終其德協天也書紀舜之沒云陟

者與竹書周書同文也

補注周書即上所謂君奭篇

其下言方乃死者

所以釋陟為死也地之勢東南下如言舜南巡而死宜

言下方不得言陟方也

得一作當

以此謂舜死葬蒼梧

一有之野

二於時二妃從之不及而溺死者

石本無死字

皆不可信二

妃既曰以謀語舜脫舜之厄成舜之聖

程曰劉向列女傳云瞽瞍使舜

塗廩二妃曰往哉時惟其藏汝時其焚汝鵲汝衣裳鳥工往又使舜浚井二女曰往哉時亦惟其藏汝時其掩

汝之往汝去汝衣裳龍工往鳥謂習飛鳥之巧龍謂知水泉脉理

堯死而舜有天下為

天子二妃之力宜常為神

常一作當

食民之祭今之渡湘江

者

石本湘作湖

莫敢不進禮廟下

莫一作其

元和十四年春余以

言事得罪黜為潮州刺史其地於漢南海之揭陽

祝曰漢地

理志南海郡有揭陽縣至唐為潮州。石本揭作揭音竭厲毒所聚

祝曰厲鬼也左氏云其何厲之

有。又一本云南海之隅陽厲百毒所聚懼不得脫死過廟而禱之其冬移

袁州刺史

孫曰元和十五年十月以敕令量移袁州。石本移作為

明年九月拜國

子祭酒

孫曰元和十五年九月自袁州召為國子祭酒

使以私錢十萬抵岳州

願易廟之圯摘腐瓦

圯一作毀稱一作墉

於州刺史王堪

石本無州字

長慶元年刺史張愉自京師往余與愉故善

石本無余字謂

曰丐我以碑石

丐一作與

載二妃廟事且令後世知有子名

愉曰諾既至州報曰碑謹具

謹一作已

遂篆其事

一云碑其迹謹篆其

事一云碑其遂謹篆其事俾刻之

此後舊有將修廟祭神文一首與二十卷內祭湘夫人文同故不

出復

唐故江南西道觀察使中大夫洪州刺史兼御史
中丞上柱國賜紫金魚袋贈左散騎常侍太原王

公神道碑銘

韓曰王仲舒為連州司戶公公令連之陽山仲舒
觀察江西公為袁州刺史公既為作燕喜亭記
修滕王閣記又誌其墓今又書碑新史並取公
碑誌作傳。今本止云太原王公神道碑銘

王氏皆王者之後

孫曰王氏凡二十
一望皆王者之後

在太原者為姬姓

孫曰周靈王太子晉以直諫廢為
庶人時人號曰王家因以為氏

春秋時王子成父敗

狄有功

補注桓十六年左氏鄭滿侵
齊王子成父獲其君曰榮如

因賜氏厥後世居

太原至東漢隱士烈

孫曰烈字彥芳東漢有傳

博士徵不就居祁縣

孫曰後漢徵君霸始居
太原霸子殷別居祁縣

因號所居鄉為君子鄉

一無鄉字

公

其君子鄉人也魏晉涉隋世有名人國朝大王父玄暕

陳古限切音東

歷御史屬三院

韓曰三院謂侍御史殿
中侍御史監察御史

止尚書

郎

孫曰玄暕終
比部員外郎

生景肅守三郡

韓曰最後為
丹陽太守

終傳涼王

欽定四庫全書

生政襄鄧等州防禦使鄂州採訪使贈吏部尚書公尚

書之弟某子公諱仲舒字弘中少孤奉母夫人家江南

讀書著文其譽藹鬱當時名公皆折官位輩行

下浪切

願

為交貞元初射策拜左拾遺

樊曰貞元十年十二月仲舒中賢良方正直言極諫

科起拜拾遺

與陽城合

一有道字

過裴延齡不得為相德宗初快

怏無奈久嘉之

樊曰是時陸贄為相上待之厚裴延齡曰短贄於上十二月贄罷為太子賓客

貞元十一年春旱延齡奏言贄失勢怨望四月贄貶中州別駕且欲相延齡諫議大夫陽城率仲舒歸登等守

延英門上疏論延齡姦佞贄無罪上意乃解

其後入閤德宗顧列謂宰相曰

第幾人必王某也果然月餘特改補闕

改下一有右字

遷禮部

考功吏部三員外郎在禮部奏議詳雅省中伏其能在

考功吏部提約明故吏無以欺同列有恃恩自得者衆

皆媚承公嫉其為人不直視由此貶連州司戶

孫曰貞元十九

年王叔文用事有左補闕張正一上書得召見正一與仲舒相親善叔文之黨疑正一言已陰事令韋執誼反

諧正一於上前九月正一坐遠竄弘中自吏部員外郎責連州司戶

移夔州司馬又移荆

南因佐其節度為叅謀

韓曰為荆南節度裴均叅謀

得五品服放跡

在外積四年元和初收拾俊賢徵拜吏部員外郎未幾

為職方郎中知制誥

孫曰元和四年自職方郎中知制誥

友人得罪斥逐

後其家親知過門縮頸不敢視公獨省問為計度論議

直其寃由是出為硤州刺史

孫曰元和四年七月御史中丞李夷簡彈京兆尹楊

憑前師江西時職罪貶憑臨賀尉仲舒宣言於朝曰夷簡倚撫憑坐罪貶硤州。硤徒夾切

轉廬州

未至丁母夫人憂服除又為婺州時疫旱甚人死亡且

盡公至多方救活天遂雨疫定比數年里閭完復制使

出巡人填道迎頌公德

頌一作顯

事具聞就加金紫轉蘇州

變其屋居以絕其火延堤松江路害絕阻滯秋夏賦調

自為書與人以期吏無及門而集化成

化一作政

為天下守

之最天子曰王某之文可思最宜為誥有古風豈可久

以吏事役之復拜中書舍人

韓曰穆宗即位召拜

既至京師儕流

無在者視同列皆邈然少年益自悲而謂人曰豈可復

治筆硯於其間哉上若未棄臣宜用所長在外久周知

俗之利病俾治之當不自愧宰相以聞遂得觀察江南

西道

樊曰弘中為蘇州召為中書舍人實元和十五年六月也公嘗誌其墓云既至謂人曰吾老不樂與

少年治文書得一道有地六七郡為之三年貧可富亂可治身安功立無愧於國家可也日日語人丞相聞問

語驗即除江南西道觀察使兼御史中丞此一事耳誌
與碑兩書之語不相襲足以見公立言之法孫曰元和
十五年六月除
江西觀察使
奏罷推酤錢九千萬十一軍息之無已

掌吏壞產猶不釋囚

一有之字

公至脫械不問

樊曰初江西推酒利多他

州十八民私釀歲抵死不絕穀數斛易斗酒仲舒罷推
酤錢九千萬吏坐失官息五十萬悉產不能償仲舒焚
簿書脫械不問
人遭水旱賦窘公曰我且減宴樂絕他用錢可

乎

一作可足乎

遂以代罷軍之息錢

樊曰水旱民賦不入仲舒嘆曰我當減此燕樂

他用可乎為出
錢二十萬代之
禁浮屠誑誘壞其舍以葺公宇三年法

大成錢餘於庫粟餘於廩人享於田廬歌謠於道途天

子復思且徵以代虛吏部左丞位以待之

一作待處之一作以處之

長慶三年十一月十七日薨於洪州年六十二

六或作五上

哀慟輟朝贈左散騎常侍某日歸塋於某處

孫曰長慶四年二月

塋於河南既以公之德刻而藏之墓矣子初

韓曰仲舒七子初哲貞弘泰復

洄又請詩以揭之詞曰

生人之治本乎斯文有事其末而忘其源切近昧陋道
由是埋有志其本而泥古陳當用而迂乖戾不伸較是
二者其過也均有美王公志儒之本達士之經秩秩而

積涵涵而停鞞而華英

舊本作鞞而華英今本作鞞而華英孫曰鞞字疑作鞞鞞花盛

貌于鬼切

不矜不盈孰播其馨

一作聲

孰發其明介然而居士

友以傾敷文帝階擢列侍從以忠遠名有直有諷辯遇

堅懇巨邪不用

補注巨邪謂裴延齡

秀出班行乃動帝目

祝曰即公上所

謂仲舒入閣帝顧同列謂宰相曰第幾人必王某也果然

帝省竭心思顧日渥翔于

郎署騫于禁密發帝之令

孫曰謂自職方郎中知制誥

簡古而蔚不

比于權以直友寬敲撼挫擢竟遭斥奔

孫曰謂貶硤州刺史

久淹

于外歷守大藩

孫曰自硤州徙婺蘇二州

所至極思必悉利病萎枯

以膏燠暘以醒

暘一作腸

坦之敞之必絕其徑浚之澄之使

安其泳帝思其文復命掌誥

孫曰謂穆宗復召為中書舍人

公潛謂人

此職宜少宜無彫郡庸以自効上籍其實俾統于洪逋

滯攸除姦訛革風祛蔽于目釋負于躬方乎所部禁絕

浮屠風雨順易秔稻盈疇人得其所乃恬乃謳化成有

代

孫曰朝廷將以尚書左丞薛放代之會仲舒卒

思以息勞虛位而俟

補注即公上所

云虛吏部左丞位以待上

奄忽滔滔維德維績志於斯石日遠彌高

五百家注昌黎文集卷三十一